

永樂大典

卷三千五百二十
八

永樂大典卷之三千五百二十八

九真

門

義門

南史蕭燭傳會稽寒人陳氏有三女無男祖父母年八九十老

尊更日至市貨賣未嘗虧息多欲娶為婦長女自傷執獨誓不肯行祖父

母存相繼卒三女自營殯葬為庵舍居墓側鄰里稱為義門吳達之義

興人也嫂亡自賣以葬從祖弟敬伯夫妻荒年被畧賣江北達之有田十

畝貸以贖之與同材共宅又讓先世舊田與族弟弟亦不受田遂開廢齊

建元三年詔表其門陳玄子義興人四世同居一百七十武陵邵榮

興文獻叔並八世同居東海徐生之武陵范安祖季聖伯范道根並五

世同居零陵譚弘寶衡陽何弘華陽陽黑頭疎從四世同居詔俱表其

門蜀郡王績祖華陽郝道福並累世同爨建武三年明帝詔表其門北

史李凡七世同居同財家有二十二房一百九十八口長幼濟濟風禮著

聞至于作役卑幼競集鄉里嗟美表其門南郡新書博陵在僊總麻親

同爨貞元以來言家法者以僊為首僊生六子一登相輔伍任大僚人常

如舉得士百四十八人邠昆仲自始仕至貴達亦同居光德里一宅宣皇

聞之歎曰崔郾家門孝友可為士族之法矣唐書孝友傳劉君良瀛州饒

陽人四世同居族兄猶同產也門內斗米尺帛無所私隋大業李荒饑妻

勸其異居因易置庭樹鳥雛令聞且鳴家人恠之妻曰天下亂禽鳥不相

容况人邪君良與兄弟別處月餘密知其計因斥去妻曰爾破吾宗召兄

弟流涕以告更復同居貞觀六年表異其間澠水燕談錄唐貞元中調卒

成邊河中府永樂縣民姚栖雲之父語其兄嗣未立無往某幸已有子請

代兄行遂戰沒塞上時栖雲方三歲後其母再嫁栖雲鞠於伯母如事其

母伯母亡栖雲葬之又招魂葬其父廬於墓次終月哀慕不衰縣令蘇轍

以奉錢買地開阡刻石表之河中尹渾瑊上其事詔加優賜旌表門閭名

其鄉曰孝悌社曰節義里曰敬愛栖雲生岳岳生君儒君儒生師正自岳

至師正四世廬墓五世孫厚六世孫雅七世孫文八世孫敬真九世孫真

十世孫宗明慶曆初本府奏自栖雲十世同居顯有孝行仁宗詔賜旌表

復其徭役十一世孫用和十二世孫德自宗明至德又三世自慶曆至今

永樂大典卷三千五百二十八

一

又五十餘年。而其家孝友於故姚氏世為農無為學者。家不甚富。田數十頃。聚族百餘口。子孫躬耕農桑。僅給衣食。歷三百餘年。人無異詞。者。經唐末五代。兵戈亂離。而子孫保守墳墓。骨肉不相離散。求之天下。未或有也。永樂熙寧初。拜隸河東。余元祐中。知河東。以狀列於府。乞特教。奏下其事。史官重加旌表。持克戶下。仗錢以旌孝義。以厲風俗。狀下尚書。不報。江州圖經。梅价。德安。今世居縣之湧泉。宋元徽間。桂陽王休範。以其宅有祥氣。徙之。而置湧泉觀。唐會昌中。有名簡者。始家宛。郎數世。族日盛。同居共財。中外肅睦。本朝皇祐間。不肯子訴諸縣。求析居。价力爭之。得不析。价仕至某曹郎官。時王氏鄭氏亦數百口。故德安稱陳梅王鄭馬廣信府永豐志。鄭承奉名啓。字君序。世居王陽鄉。以孝義聞于時。常戒其子孫曰。自祖父至吾。未嘗有異志。繼自今。若等貧產。毋異籍。出入毋異戶。煙火毋異爨。其子常遵守先志。家及五世。食指千餘。有家範三十三條。守臣趙公汝愚嘉其義。請于朝。淳熙二年。詔賜束帛。其後子孫亦有登仕版者。豈非義方之教歟。一時縉紳大夫。多以詩詠其美。雖遭變之餘。舊址尚存。今五世孫國材者。僅能草創數椽。仿佛前人之遺意。劉元迪嘗為作義居記。宋類苑鄆州須城縣楊村民張成者。其家自館至誠。六代同居。凡百一十七口。內外

永樂大典卷三千五百六

二

無間言。衣裳無常主。旦日家長坐堂上。率子弟而分職事。罔不祇勤。張氏世無冠冕者。不讀書。耕田捕魚為業。無蓄積。歲給一歲。而能人人孝悌友順。六世幾二百年。百餘口。無一日少異。亦可尚也。晉古義門。元一郡縣志。常德府龍陽縣東五十里有李感義門。統志

晉古義門在海鹽州西一十八里。吳地志云。里人李祥與晉將軍袁宏。築壘於滬濱。禦孫靈芳。宏為賊所害。祥突白刃收宏尸。歸葬。時人義之。因名其地曰教義里。王氏義門。北史王閻北海人。數世同居。有百口。旌其門曰義門。並共財產。家門雍睦。鄉里敬異。有司申

奏。皆表門閭。宋史王庠哲宗時人。累世同居。號義門。王氏。裴氏義門。新唐書裴敬彝傳。裴敬彝。中大夫。居母喪。哭。母喪。明有白鳥巢塚。越兄弟八人。皆為名孝。詔表門閭。世謂義門。裴氏。褚氏義門。元一統志

門在松滋縣。鄭獬題詩云。貞觀得奇士。子孫宅荆土。一家五百口。六世同所居。宋氏義門。瑞州府志。宋練。間四世同居。唐咸通九年。觀察使裴休表其行義於朝。遂旌其門。事見唐。孝友傳。元程雪樓集。宋氏義門。清明恩澤。新旌表。玉署詩文。五發

揮從此義門聲價大兒孫莫違古風微元張文穆公集題宋氏義門群
姦知敬義門李一忍曾傳九世依滕有常懷佳話在千年旌表向輝煌
盛世可封常此屋世皆循史傳應無
抵今空谷寔然喜筆底春風有鉅儒

陳氏義門

江州圖經南唐陳崇唐徵士伯宣後

也伯宣孫旺生機機生威威生蘭蘭生青六子伉侍仲僥侍仲六而十七
十七而三十四七世同居內外二百口家道益昌朝廷表其間崇仲子也
有才識以檢校散騎常侍兼御史大夫為江州長史謀於眾曰我家累世
餘慶子孫衆多上下和睦然恐雲仍漸夥愚知不同苟無肅睦之方恐乖
負荷之理今欲維之以局務定之以規程推功任能勸善懲惡使公私財
用之費冠婚喪祭之等衣食輿馬之給子孫可以世守何如眾曰善乃立
主事一人副二人睦上下轄長幼侍賓親提局務會財用庫司二人行賞
罰管莊宅送稅租司契書時出納立宅庫十一人隸主事一人主酒漿二
人主倉庫二人主園圃牧畜四人主近莊禾稼桑柘新炭立開勘司一人
掌歷卜主男女之生死婚姻排行諸莊各置首一人副一人主田地耕種
營殖近莊勸書堂置書書一人主延師友教成才近宅勸小學置先生二
人授童蒙而皆以族長主之一人學醫以備疾病一人學巫卜以備塚宅

永樂大典卷三百六

三

占禱家故有道院擇好道者奉焚修時大順元年也然後室無私財耐無
別饌每男女食合坐一廣室少者別席不畜婢僕人無間言子孫有常業
鷹犬之玩非聖之書商販之算皆禁勿習鄉里率化訟為之少皆崇之教
也崇卒官至銀青光祿大夫勳至上柱國南唐昇元中至三百口旌表孝
悌特立義門本朝平江南守張霽首加存恤在園中者七人城破兵民皆
死惟七人異處而同歸人以為孝感至開寶幾七百日家有犬百餘共一
般饑一犬不至群犬皆不食崇之後有蒲圻令勳德安令致青王府司馬
禮江州司士參軍試奉禮郎家洪州書記恭知舞陽縣尉渭州推官宣都
知兵馬使珙衙前兵馬使諫感義軍都頭部討擊副使輝館驛副使諫教
練使湯節度押衙二人珪侍節度總管三人鏐源霽舉進士九人避儼度
漸績誘水岷延年舉三傳四人昭昱琛早三史三禮各一人郡用早自有
傳陳早義門子也時聚族增至千口本州再徵南唐以來所編雜配嘗
詣闕訴之詔免差役而已興國七年轉運使張齊賢奏陳氏在李煜時尚
蒙蠲放歸聖朝後豈可復徵淳化初陳氏食不贖守康哉奏每年春首貸
米二千斛俟豐年還官太宗時從之至道中仍歲早饑舉宗毀粥雜以蔬
菜早以次為長州貸米早請其半日畜而食之自可及秋或謂曰何不受

永樂大典

卷三五二八

而釋之以邀善價。早曰：朝廷以早族大歲，獻持以王賦，貧私室，可見利忘義。為用上之事乎？上聞而嘉之，曰：陳早一家孝友恭儉，無比世守家法。孝謹不衰，閨門之內肅如公庭，可尚也。時遣內侍裴愈，齎御書散賜江南寺觀，及德義之家。早得三十有三，愈回奏陳氏家法二篇，上歎曰：天下有此人家，真良家也。送史館，繕寫賜諸王公，各一本。咸平三年，增至一千四百七十八口。胡旦為之碑，其後口聚餘三千。遂析居，後罹建炎寇禍，有繼珪者七，傳至建炎，又百餘口，不蓄私財，一遵祖範。嘉定中，炎詣帥府，自陳下州覈實而上之。寧宗詔旌其門書真良家三字，賜之。德、太宗聖訓也。德安志：義門陳氏，胡旦撰義門碑，其略曰：按陳氏家譜，陳宜都王叔名之僕，五世孫兼唐元宗時舉進士，為右補闕，兼生京，京進士及第，德宗朝官至給事中，集賢院學士。無子，以從子褒為嗣。生淮，為高安縣丞。其後避難於泉州，生伯宣，隱居廬山。註司馬遷史記行於世。詔徵不起，就拜著作佐郎。孫旺，徙居德安縣之太平鄉，常樂里。旺生機，機生感，感生蘭，蘭生青青，生六子，六而十七，十七而三十四。自是家益昌，族益盛。仲子崇，以治家之道為人之本，乃撰家法，垂示將來。室無私財，厨無私饌，大小之教，內外如一。於是為江州長史。家法之行，始於大，唐大順元年庚戌也。至褒為司戶參

永樂大典卷三五二八

四

軍，試太常寺奉禮部，偽唐旌表孝悌，揭門閭。於是陳氏特立義門，始於昇元元年丁酉也。至道中，宋太宗遣內侍裴愈齎御書散江表。志吳山寺觀德義之家，皆賜之。陳氏所得凡三十三，奉藏之于家，愈復上陳氏家法二篇。太宗曰：天下有此人家，真良家也。始者陳氏二百人，而家法行三百口。而義門立，開寶之末，計七百四十口。咸平三年，增至一千四百七十八口。又徐鉉江南錄：鄭文寶江表志載：陳氏長幼七百口，不畜僕妾，上下睦姻，人無間言。每食，群坐廣堂，未成人者，別為一席，有犬百餘，亦置一船共食。或一犬他適不至，則群犬昂首相候，不食。此義氣所感而然也。其陳崇有家法，叙曰：易云：家正則天下大定。是知治家之道，古猶病諸，故聖人垂五教，敷九族，使後之人倫勤而行之，自非聖人不可庶幾乎。我家襲秘監之累功，承著作之貽訓，代專孝弟，業繼典墳。雖是子孫眾多，上下和睦，存淺十代，曾玄二百人，粗副孫謀，致其餘慶。我聖人誕敷孝治，恢振義風，錫以渥恩，表之間巷。勃焉榮耀，幸異鄉民，得不以知足宅心，惡盈是懼。我崇所感者，殆恐將來昆雲漸眾，愚智不同，苟無敦睦之方，慮率負荷之理。今設之以局務，垂之以規程，推功任能，懲惡勸善，公私出納之式，男女婚嫁之儀，簪事衣衾，貨財飲食，必合均等。務要和同，掌令于子孫，孫無間言而

守義乾也。銀青光祿大夫檢校右散騎常侍守江州刺史兼御史大夫上柱國賜紫金魚袋。姓宗議定。陳蘊江州民也。聚居二百年。家二千口。蘊年八十。鄉黨稱其德。仁宗聞之。曰：良民一鄉之表也。旌之則為善者勸。乃賜蘊本州助教。江南餘載。曹翰屠江州。噍類無所縱。而義門陳氏昆弟七人散域中。事定皆還。無所損。以為孝義之感。徐鉉撰義門陳氏書堂記。有男女長幼以屬會之辭。既以授之。又密令寫碑。人自於木添一食字。或問其故。鉉曰：非食無以義聚。欲以此一字為陳氏子孫之誡耳。

表氏義門 豫章績志表萬頃字元量。其先表牧為宋大夫。十七世孫睿。仕西晉。居婺女子尚徙居會稽。自尚至治。二十一世家無異。爨聚族六百。宋真宗祥符六年。詔旌表表氏義門。學海詒謀。大中祥符四年十二月己未。越州言會稽縣民表承詢同居十九世家。無異爨。詔旌表其門閭。屈指今二百三十六年。考其號義門如故也。余嘗至其村。故廳事猶在。族人雖異居。同在一村。中世推一人為長。有事取決。則坐於廳事。有竹單亦世相授矣。族長欲撻有罪者。則用之。歲時會拜。同飲咸在。至今免侵。不知十九世而下。今又幾世也。余嘗思之。表氏力農。無為士大夫者。所以能久聚而不散。苟有驟貴超顯之人。則有非族長所能令者。况貴賤殊

永樂大典卷三十五百十八

五

塗。災涼異趣。父兄雖守之。子孫亦將變之。義者將為不義矣。表氏雖無顯者。子孫世守其業。猶為大族。勝於乍盛乍衰者多矣。天之祐表氏者。豈不甚厚乎。會稽縣志平水雲門之間。有表氏。自齊梁以來。七百餘年。無異爨子弟。或為士。或為農。鄉黨稱其行。大中祥符四年。用州奏旌其門閭。是時表氏義居已十有九世。閭門三百口。其族長曰承詢。至嘉泰初。又五六世。蓋二十四五世矣。猶如故聚。族亦加於昔。鄉人謂嘗有醜瓜者。族長集小兒十三歲以下百餘人。使自取之。各相推避。以長幼持去。其習為廉遜如此。至今共一廳。尚頗闢壯。有孫威敏。公題字存焉。至和中。李待制允題詩。有云：夫何於會稽。卓然有表氏。同居六百年。相聚三千指。昔賢欽義方。列奏聞天子。詔恩表門閭。光華映閭里。其後又有族老季光。以所藏今昔留題詩刻石。傳慎作序焉。所謂旌表門閭者。唐以來。有廳事步欄。前列屏樹。烏頭正門。開闔一丈二尺。烏頭二柱。端冒以瓦桶。築雙闕。一丈在烏頭門之南。三丈七尺。夾植槐柳。十有五步。五代多故。不能如故事。晉天福中。乃敷度地之宜。高其外門。門施綽楔。左右築臺。高一丈二尺。廣狹方正。稱焉。巧以白而赤。其四角。今表氏蓋用此制。自平水適雲門者。望其旌表。在道旁數十步。祖宗所以崇孝悌。勵風化者。至矣。表氏旌表之役。六十七年而上。

虞縣劉承詔繼之。熙寧十年趙清獻公為守，得上虞縣劉承詔。唐累公德威之裔，德威五世孫愉避黃巢亂，自河南徙上虞，至承詔十世聚族四百餘口，內外無間言畜犬化之一犬不至，群犬皆不食，號孝義劉家清獻公。嘆異以其事聞于朝，有詔旌表門閭，復其徭役。清獻公為之記，故尚書胡公沂賦詩贈之。皆藏其家。

胡氏義門 豫章續志：胡直孺字少汲，其先宿州宿遷。人為光祿寺丞，家居聚族八百餘人，有旌表。義門胡家雍熙間召對，賜御書人以為榮。

許氏義門 江州圖經：許人，世不異財，至祚凡八世，長幼七百八十一口，祚撫輯中外，無間言，鄉里稱之。太平興國七年，江州守臣奏詔旌表門閭。

桂氏義門 池州府志：孝義門在石埭縣西一百里，望族桂氏。

鄧氏義門 瑞州府志：元一統志：廣信府鉛山縣宋周欽若居前岡，三世不分詔旌表門閭，令長吏致禮免差役。

吳氏義門 安人四世同居五百餘口，長幼姻睦，衣食無異，朝廷嘉其義，命表其里，故其鄉得名旌義。今玉虛觀即其故居。

永樂大典卷三五五十八

瑞陽志：吳起孫字誠甫，其先汴梁人，宋靖康間祖大同知華亭縣，因寓居筠州，大同紹外祖鄧賢博家業。迄誠甫凡九世一門義聚，百口同爨，素無恒產，資醫術以供食，拍宋咸淳間太守吳益特書義門二字，以扁其間。甲戌兵燹，至大壬子本路保中憲司體覆行省咨開議行旌表，今鄉里尚稱為義門。

晉氏義門 平陽志：義門在石樓縣西五十里，居民晉賢吳氏云。

鄭氏義門 元史：鄭文嗣，婺州浦江人，其家十世同居，凡二百四十六人，從弟大和繼主家事，益嚴而有恩，家庭中凜如公府，子弟稍有過，頌白者猶鞭之，每遇歲時大和坐堂上，群從子皆盛衣冠，鴈行立左，序下以次進拜，跪奉觴，上壽畢皆肅容拱手，自右趨出，足武相街無敢叅差者。見者嗟慕，謂有三代遺風。狀聞復其家，部使者余闕為書東浙第一家，以褒之。

國朝鄭氏麟溪集：義門曲王晏，其家十世同居，有脚莫踏不義門，有地莫種惡木，根惡木雖惡，猶可斫，不義之人不可不分相違，祇在錐刀不弟兄反目，便相奪，嗷嗷豈但媿鳩，鴈負却圓冠，與方褐，鼎鑪有耳，猶足嗟汝，何不聞鄭公家，同居百口到總麻。

李孝光：字季和，建武人，其家十世同居，凡二百四十六人，從弟大和繼主家事，益嚴而有恩，家庭中凜如公府，子弟稍有過，頌白者猶鞭之，每遇歲時大和坐堂上，群從子皆盛衣冠，鴈行立左，序下以次進拜，跪奉觴，上壽畢皆肅容拱手，自右趨出，足武相街無敢叅差者。見者嗟慕，謂有三代遺風。狀聞復其家，部使者余闕為書東浙第一家，以褒之。

郎南有嘉樹鳳鳥所巢君子之孝君子是傲予何傲矣有踐者禮匪予能
孝自予祖稱先祖相宅猶泉之源豈不貽世而誌其綿擊鼓之鐘兄弟鴈
行術術栗栗執德孔明伯也甚敬大冠燕處叔也絃歌陳其豆俎有規而
稱錦紳佩葆數視諸父視其舉趾匪夫之良有如有娣瑟彼中饋饋酒
醴設我語言自我諸昆群弟具聽有跼其敬母徇母急母誼母淫母聽婦
言毋謹我庭嗟嗟語言胡獨爾行凡人有家用調為訓尚顧子孫終永無
感作嘉樹之歌以勗明德 祁君壁字伯溫西康訪劉使一門千指八
世同居嗚呼鄭氏宜表其閭 彭采字仲念上邳人有歸者門摩霄切雲
丕昭人文鱗集而充櫛比而從伊鄭之宗桓桓其林楔臬孔明載闕于行
重慶在堂曾玄日昌有質必良父教子歲兄愛弟欽樂且弗淫服五而窮
世九而同益衍以隆黼黻羽儀學師學師維禎之幾牛蹄角千其龍百常
共宰弗違天將孔揚以顯休光聞于聖皇帝皇曰都爾嗣克圖宜旌爾廬
絲出而綸玉輝璘璣勅我子臣絢爛非煙膏露醴泉三秀植焉童叟老期
作息娛嬉益勸而規其規維何百思一和永天弗頽彼張顯唐此陳九江
孰與比量意賦汗流德色鋤稂拚臂軋饑日留于唐心營于漸弗死曷探
浦江之源汗浩澄淵可范其消伊我斯人孝友同歸天下無為斯門斯言

永樂大典卷三十五音字八

七

千萬億年與國永傳 林以順字子泰莆田人延祐辛酉進士浦江縣君
稽古聖神明德修身首念九族一身之分族不易睦睦之以親族不徒叙
敘之必悌悌悌親親民變俗淳比屋可封孰專美名蓋聞其風降自華勛
昔之所親今為塗人昔之所悌今反少恩後聖繼作建秘叙倫汨沒之中
善端或明義夫節婦孝子順孫有一于此朝上夕旌矧自祖父至于後昆
總功以降娣姒異姻內外執役十指孔群同牢共食爰及大豚室與之內
俾睦風存節義孝順百行具聞義孰大焉宜書其門余長浦陽邑有鄭君
華其五世八世復新顯徂之命自天申之鄭君曰噫曷以稱之聚骸有土
聚殺有園將廣此義岬荒惠貧敢曰自佚以病鄉鄰吾思安之惟義是遵
余謂鄭氏克齊之民世世勿替用傲斯文 許士毅字弘之東陽人其幼
自有斐君子在彼空谷兄及弟矣溫其如玉黽勉同心受天百祿所謂伊
人其何能淑好言自口則具是依秀言自口則具是遠他人有喪經之營
之載飢載渴食之飲之治比其鄰于齊樂考哀今之人二三其德逝不古
處以極反側謂他人父日用飲食終遠兄弟載胥及溺外禦其侮則不可
得誰為此禍生自婦人本質先撥終窶且貧豈弟君子實獲我心乃如之
人考于嗟麟兮是以有譽處兮宜爾子孫振振兮 廉惠山凱雅字公昂

永樂大典

卷三五二八

民元兒氏。江西省右。於惟皇元風俗淳美。比屋可封。廣輪疆里。瀕左浦。汪民有鄭氏。鄭氏伊阿。孝義踐履。九世同居。百代同祀。肅肅李昆。雍雍娣姒。教誨有章。勤儉有紀。旌表褒崇。列名青史。令譽四聞。慎保終始。觀茲盛典。昭示孫子。方鳳。字韶卿。號存雅。浦江人。宋嘉州文學。詩九十二首。人愛渭水清。畢竟河流渾。不知黃虞世。何處覓旌門。旌門縱百世。豈能外奔倫。只因風氣漓。遂表為義民。麟溪有寒泉。西流類抱紳。泉聲偏塞耳。亂却北鷄晨。夜帳發煙黑。秋缸吐火紅。六世孝友家。元屬書聲中。爛銀鋪作勝。綽楔何雀雀。神似相語。莫道阿奴來。人心一遺盡。五官皆作廢。不廢斯千詩。却聽燃萁歌。兄弟本一氣。為利分爾汝。借問嗜利人。千載得不死。鷓鴣巢滿林。何地不感惻。若非慈烏啼。血淚收不得。我身乃親有。况此身外物。世人果何思。肝膽每相賊。當年未兩轄。回首血在眼。爭如義門鬼。千載不餒而。何人非楊椿。如椿能幾人。只緣本心死。所以有緇磷。大樹大十圍。枝葉日敷蕃。願培百尺土。庇此千歲根。傳野字。景文。義烏人。詩九五首。南山有嘉樹。逢春發華滋。本根既以固。枝葉巧相扶。抵緣一氣生。何處有盈虧。春秋雖代序。同榮復同枯。如何兄弟間。休戚遠爾殊。功總且不保。違恤到本初。所以孝義家。旌門正渠渠。測河

永樂大典卷三五二八

八

盡東岳。中有鄭公鄉。北闕賜旌書。高門何煌煌。煌煌定何如。白壁飾明鏡。曷以能致之。六世共一堂。不知燕雀中。見此朱鳳翔。人生百年中。奄習若塵飛。朝聞金谷歌。暮聞薤露悲。既有令兄弟。中堂共徘徊。何不日欽瑟。何不日高歌。彼哉憮憮徒。割戶各騁私。騁私縱有得。奈此大義乖。遙遙漢星光。鴻鴈忽南翔。鳴聲一何悲。萬里有凝霜。凝霜雖苦寒。願影自成行。感物有如此。中心如沸羹。願為雙飛龍。勿為參商兄弟同。一身此語安可忘。海水黑沉沉。白石白如脂。白石不可移。海水無竭時。願此旌義家。千載以為期。不比春園花。飄搖隨塵泥。我恨無羽翮。莫逐晨風來。儂山有神藥。翠實方鞋鞋。金蘭字楚若。浦江人。浦陽橫大江。江水如帶環。中有義男子。義門第五世。有二兄弟。曰德珪。德璋。德璋破誣罪。當死。德珪以身代行。德璋追及之。爭相欲死。德珪伺隙去。赴獄。年不還。義男指德珪之頭。戴芙蓉冠。一解有弟方少年。紫髯頰玉面。共坐氍毹。聞朝夕一相遠。二解黃昏風沙暗。有吏夜打門。縣家文書至。便逼揚州行。三解男子一聞之。哀痛心欲折。井泉有時乾。淚眼何能竭。四解仰告蒼蒼天。我心一何悲。一弟不能蔽。縱生徒爾為。五解振衣隨吏去。脚踏東門路。淚灑青蘭花。蘭花亦憔悴。六解弟往告司臬。司臬舌如捫。使挽天河水。莫洗九泉冤。七解投骨

前高歸負土自營葬哭聲不忍聞泉石為悲愴八解皇天感孝義錫子孫
 子多于今已八世高門復我我九解高門復我我是乃德之報傷彼尺布
 誦聽之令人老十解不觀常華詳詳那承樹植物本何知愧此七尺軀
 十一解欲知一體分如足復如手但得剛勝存長古莫聽受十二解茫茫
 天地間誰無弟與昆我作義士歌有耳胡不聞十三解留仲衡字子直
 鄙人高門樹雙表是為旌德廬其德果何如總麻尚同居同居定誰氏鄭
 寔受姓初宗胤既開衍柯條遂芬敷伊誰坐堂上兩翁已白鬚循循著教
 令莫覓奮襟呼伊誰立堂下孫子何魚魚鷄號各授事冠佩左右趨有口
 共銅鼎有體均衣襦抵緣我心同能合彼勢殊何以俞爾雖鼓鐘間笙芋
 何以媿才彥雜然陳瑤瑜似茲孝友家肯讓通德閭朝廷築旌闕郡國下
 蠲符非惟海右獨直恐江南無人孰無兄弟一氣分體膚利蚊噬肺腑偵
 刀截戶樞但推子妻恩不恤父母軀豈無周官刑亟刑不孝誅巨浸一失
 防狂瀾遂波塗所以後王興感此世教渝彰瘴或有術作興迺良圖終然
 用梃鞭執難制悍駒每聞史牒間常若晨星疎不知此流偽何能逐黃虞
 我觀天地間妙理貫八區乾坤我父母萬物皆吾徒但得崇四術禮樂共
 詩書詩書化為炭禮樂坏作鑪鼓此案齋栢陶彼慘涼夫人人類殺契戶

永樂齋卷三五百二十八

九

戶可公孤宣此萬里化未必一門拘斯道若金石千載不可誣有眼未能
 見側耳聞慈烏王棟字良材津陰人峇城對亭吉弟子我父昔生我及
 我弟與昆弟昆各有子我子復生孫生生無終已遂成九族親自此至于
 萬厥初但一身一身具四體缺一非全人缺足孰為履缺手孰為援兄弟
 寔手足手足安可分皆係長舌徒虐賊逸身艱笑持粉黛劍割我骨肉恩
 同胞已相房况使宗族悖我探受盡初血淚欲沾巾美目與巧策能使明
 目昏黃言復一鼓聰耳聾不聞聰明既失職黑夜東西轉若不陷大澤豈
 免折輪轉又探受諧初慟哭號蒼昊狙伺我微隙縱彼健鷲反恭母尚技
 杆市虎寧非真初如一綫流漸至九河翻內有膠漆設外有微縷陳賊賊
 連藥茅豈但施斧斤大或相暴陵小則成仇怨唯知鼓瑟琴何暇恤荒墳
 壞荒苟不協琴瑟能獨存斯喪一至斯有舌安忍論我寧不號天號天我
 何冤冤彼異姓人離間我天倫顏波既如此思我孝義門義門鄭為氏家
 在浦陽濱閭閻在山南睦睦承承詢傳家守祖訓誓不聽婦言秉心如太
 阿首煉不作塵所以六世間堂堂若春温婦人雖陰類未必本不仁母師
 不我立大義遠埋淪誰招孟德輝為我誨諄諄民彝在所急然後治組紉
 厲階絕衰如無姑式有契此道未能布此風何日導撫解重增喟黃埃正

翁云凡有剛勝者熟視七世文 蔣德輝字明什浦江人宋太學士我昔
游太學每携書一束歸未三徑荒蒼苔繞扉屋所幸孝義家道路三里感
水帛重延致解書喜同讀一翁若傳黨諸子如立玉秋風燈吐紅夜雨酒
浮綠只緣六世間孝悌著雍睦內外無間言教令到童僕豈伴陳褒專要
繼揚椿躅當今重風教有善必旌錄鶴書下紫霄焜耀動林谷定歌茲斯
詩千載水相續 方樛字壽甫存雅子也大義久不作顏綱孰能扶有回
萬鈞力足起千載慈法麟溪上奕奕君子居同堂贊不折已及九世餘
動必敦孝弟昭焉道訓謨有田可以稼有畦可以蔬有琴亦有筑有詩還
有書雍雅悅子姓肅肅嚴婦姑祀饗誠必慤冠婚禮無踰濟鄰屢發廩致
容恒駢車一翁垂九十群從紛前趨支撐屹柱石洋鵬精瑣瑣清朝持旌
義大字標門閭豐碑妙紀實賦詠皆鴻儒老我媿同里時陪文字娛白髮
映沼泓清風滿襟裾高歌一舉酒歌罷仍長吁末俗見淳朴歸然真世模
胡漢字景雲東陽人通德有鉅公魯經釋毫芒我聞孔相國為立公之
鄉斯文昌子孫采采書帶長子姓表表葉葉舊族廬浦陽八世食弗殊老倪
同一堂而翁命賢孫厥父提諸郎夫義婦倡順兒女羅成行聯翩五綵衣
歛灑千歲觴清風養淳古詞節懷瑰璋熙朝事旌褒閭里生輝光輝光且

永樂大典卷三十五百六

十

百世化邑知向方于今黼太平採誦能激昂行跡告良史世德終難忘
方天錫字景範馬人卓哉榮陽裔見此孝義民兄弟有急難相先陷深
文家世尚綱條遺孤當誰行日月不可極永懷此天倫再世伯仲賢友恭
志前遵斗粟與尺布誓心同甘辛閨庭既雍雍孫子宜誦誦蜂房畫向背
鴈序會昕晨衣裳服濟濟範言誨諄諄男女俱就食長筵左右陳下堂敬
受事敏勉趨功勤畊桑越千指節廉盈萬緡冠昏喪祭數成規著條新編
餘能施予困窶相依因宦學有良才講燕有嘉賓敦行孝弟實漸漬詩禮
醇九世無間言鄉間共云云縣上州若府義聲遠上聞華表孰有德令辭
紀豐珉于以錫爾類家及四海均人生具五常天性在能循善道非所難
仁義乃吾真嗟嗟物蔽物私愛由切身富貴已有則莫哀同室貧骨肉成
畔離終焉散浮雲何如一家讓長幼聚欣欣允矣張公藝世人仰清芬惜
彼尚有思伊鬱將無仲要當葆至和周融比陽春象瑞感天物氣澤同人
神勗我永世世言或書紳 陳及子時父東陽人出處橫目民誰能合
親族父子不同慶兄弟且異屋紛奪湧孟議德鈕變秦酷古來已海歎世
降罕雍睦恩哉析居者撫事可憫哭浦陽鄭義門朝廷量旌復九葉二千
指子姪森立竹冠昏及喪祭竭盡禮敦馬居食世和同早尊分整肅善慶

溢餘芳冲和來百福藹然仁義風美矣古朴俗宗桃水燕安縣鄉惡化服
脩史名公卿列傳將見錄世守期弗渝繩繩踵芳躅 葛元結字九世

川人戊子進士德州金澤縣君高門俯江浦五米生漣漪聚紫紫荆樹開
花照庭闈鷄鳴長幼集鍾聽家室宜豈意千載後復此見雍熙愛弟已違
恤事親不慙遺流澤到今日九世得共持瞻仰雲漢上蕭蕭鴻鴈飛亦有
此林鳥返哺在高枝孰云去古遠風俗日澆滿懷我張公塾宅里有光輝
吳師尹字羊乘虛陵人戊子進士吉安永豐縣丞義農去已遠古道日
凋喪泊泊東逝川頽波誰與障有美浦陽鄭孝友夙敦尚九世無異費家
訓嚮敢忘皇恩旌其門金碧照閭巷芳聲兩浙傳盛典百世瞻綱常如日
月昭晰九天上胡為同室人操戈思相向堂堂壽張宅千古誰輩行瞻彼
孝義門臨風倍惆悵 蔡俊字士安建昌人進士南臺監丞御史唐
虞選遠矣雜道錯亂當紛紜競勢利何由正三綱浦江鄭冲素豪傑真棟
梁一門藹雅睦九世同聯芳恩深父子性義重兄弟勝積善施厚報雅德
垂休光芝蘭照玉樹桃李明春陽温温瑚璉器皎皎如珪璋詩書被禮典
和氣盈高堂人飢我飲食人寒我衣裳化行二十指忠孝天寶輝煌煌處
仁里喬木森蒼蒼雲山互環抱麟溪行源長子孫勿替命克享大且昌米

永樂大典卷五百六

十一

風侯太史吾言幸毋忘 盧敖字伯奇越州人詩九七首余生亦何恨夜
半起太息生平兩行淚盡為千載滴秦風吹游塵障卻東魯日長夜何漫
漫待旦苦不得豈無石內史但從亭中識 長嘆渺無極有客來南州為
言浦陽江浪雪萬玉柱中有義夫家綴食百春秋卻將一團春盡歛不義
矛方知寰海間何地無魯鄒 太白何光光耀海雲氣昏我冠者為誰被髮
招楚魂朱馬固有蠟竹實死不繁政思蹈東海豈期繁南冠便當繼姜肱
一死吾敢難爾死固得死世人多滿羞本心蝕未开愧汗當自流孰不具
手足孰非御衣裘彼死不敢惜吾方剪為仇傷我談經生有識此意不
前武幸未遠後葉思履水龜趺負穹碑不翅古鼎銘熊踏既謝美大美正
克劔當知袖出簡克使頭觸屏佩之勿我墜芝蘭轉青青 冰雪因萬本
壓着無不萎昨夜鄧林中莫折松樹枝新旭一照耀蒼然奮虬鬚若非心
如鐵寧克外物移吾徒尚此感誰是旌門兒 趙必松字宜九浦江人詩
凡一首烏傷割北鄰地聯浦陽江豈知願烏化成此孝義邦武鼎德至再
陳正為父子以孝聞千齡世逾雙何十齡三世聚若高風振來賦澆俗變
淳龐宜哉興起徒有志不可降 有志不可降唯我鄭公家嗜義若嗜醴
藝善如藝麻一翁寔唱首諸子不待短扁詠陳褒雄文媿劉义使荷五

永樂大典

卷三五二八

尺鏡學種荆樹花 學種荆樹花是乃人道常沙石方浩浩圭璧遂光光
 有男奉者焉有婦禮尊章似此仁與讓即是樊共欣自棄果何人涕淚空
 送樂 干文傳字壽道平江人延祐二年進士子賢詩則八兒思不花嘗
 為浦江縣長官以鄭氏義居事求詩故為賦此 浦江絃歌邑鄭氏孝義
 門同居歷八世中外無間言歲早出餘粟飢賑賴安存鄉黨服令德朝廷
 錫珠恩自古致平治始於一家仁作新宜無術承宣在得人我願卓魯輩
 盡為方岳臣比屋選可封再見民風淳 八兒思不花字元凱延祐戊午
 進士浦江進者花亦我來長浦陽縣有孝義民其孝果何如一本父子親
 其義果何如八世雙不分男女膳異室賦復職有存朝廷錫褒典玉堂賜
 雄文縱饒駟馬榮莫比道義壽一家自三代秩秩列弟昆更望力加勉見
 此流俗敦我詩但紀實梨以示子孫 趙期願字子期元正人奉定丁卯
 進士河南行省參知政事越鄉有喬木鄭氏居浦陽大義延九世燁燁生
 輝光門之何能爾嘗以規範良民規載編集綱舉眾目張貞和固其本欽
 也曲其防區畫密以周顧慮深止長由來種德門百世期益昌餘縣君子
 澤彌久斯母忘朴儒敦聖學職司道虞唐感彼仁者心水言著此章余
 嗣字廷心武成人浙東居浦陽縣省風浦江許憑載恩高門借問居幾何

永樂大典卷三五二八

凡世今不分解縣青松林愛此季與民檢身事先訓禮度尤恭溫生祥亦
 何川有後天所敦常 閻叔咸厲階悲婦言一朝或固念喪敗寧具論清
 源無濁流芳蘭有競芬摘毫誦勿替勉我賢子孫 費著字元昭成都人
 奉化甲子進士翰林直學士禮義久湮廢綱常逸天性兄弟不相容尚能
 合宗姓猗與直道行斯民見三鄭九世二百年雙居共昕曛常安雍睦心
 不銜華侈行防閑願來世諄諄具規令先祠有常祭異端思遠遜恩誼最
 深情婦言戒無聽出納量所需儉節存自儆周資閭里間死喪及婚聘渾
 糜閃鐵荒饋藥扶瘵病德思盡心焉宜我子孫咸欽承旌復恩延流冀無
 竟 宇文公諒字子貞京兆人西子也教鄭氏本姬姓源遠流逾分綿綿
 衍繁系蔚蔚揚清芬東陽開九葉琪葩繁續紛一門二千指長幼何欣怡
 成規謹防範孝友尤諄勤向來顏柳輩家訓徒云云詩禮潤仁澤冠裳藹
 卿雲蒼馬白麟溪真淳返華勳厥今嫩風化泰酥煖細縵龍光被宅里旌
 表明猶薰碧桐布高蔭丹鳳說威文從茲更千禩生材佐明君 黎括字
 者之安而國使臣三代日已遠民風難再淳兄弟唯嗜利二世如路人浦
 陽有鄭氏家門萬親親九世弗異費脩齊本吾身子孫由義行令名永不
 泯題詩揚其賢庶以扶彝倫 林泉字子清源福州人至順庚午進士福

清州知州周公制禮樂四海興孝弟秦人事兼并父子即分異周禮不復
 興秦法未嘗廢漢文不制作賈生獨流涕冀希未除粟布起肘臂吁嗟
 大道衰天下日多制關雎德教行何取張公藝我聞鄭氏先子孝父罪貫
 雍睦垂家規兄弟爭死義旌淑又百年孝友能世濟同堂二千指聚食已
 九世堂上坐黃髮堂下列幼稚婚喪有彝禮少長各定位一家如唐虞諸
 孫皆俊乂簪纓既聯聯詩禮亦繼繼不獨今人難古昔良不易高山有喬松
 下澤有芳蕙賂子以好歌薄俗可風厲 王元裕字好問山陰人浦江三
 鄭氏孝義萃一門迄今九世遠而多賢子孫譬如枝葉茂所藉培本根亦
 猶波瀾沛由來有因源高節抗雲漢美質皆瓊瑤列坐聯几席聚食共饗
 殮同心與安貞蔚然兩堂存鄉評重月旦庭趨謹晨昏張氏著恩字陸公製
 訓文所法在先哲推廣義益敷賙粟無歲歉挾纘皆春溫厚積諒有待發
 揚維後昆天朝崇德化風氣日渾淪繡衣觀民俗行義藹上聞竝立雙華
 表祥光爛朝暎玉堂筆如椽天花吐奇芬我生日盛事望風式高軒他年
 太史氏併掇芻蕘言 白友直字子純紹興路知事至性篤倫誼高風曠
 千秋但知骨肉恩寧避怨與讎麟經庶不負一死奮莫留至今雙溪上烈
 氣橫九州 堂肅外內崇訓昭前脩里人去寒餓猶散道亦周嗣者永遠

永樂大典卷五百六

澤九世同故丘昭穆既在序蓮豆羅庶羞食飲凡祖訓旌著開皇賦嗟我
 古道泯依依對虎倚心刀起同氣錐刀競戈矛况能爭為死撫遺逾已謀
 鄭氏福未艾浦江正垂休忠孝理則一輔世於此求煌煌立奇節淳風變
 流浮再令百世下令譽與今侔 戴良字叔能浦江人唐虞去我遠偉此
 薄俗救世微宋子語起拜鄭公門鄭公多孝義宋子所嘗言我請咏其精
 為爾一二論爾先家睦州中徙此山樊有類植園本根移枝乃蕃曰惟九
 世祖秉志何軒軒高探百聖窟深斲六籍根脩身以及家秩秩嚴卑尊遂
 令雲仍尚承顏盡春温方其歷四葉尤萬手足恩世運屬多虞群兒仍稱
 惠當時急難意鶴鶴而在原又如融衰輩爭赴張儉寃而兄竟沈命慷慨
 死不難弟也實歸寃三載廬丘墟悲慟烏鳥集洒血蒼崖丹人亦孰不死
 媿此季與昆精誠既上格遺澤能我憐門墻茂棠 增庭成芝蘭豈無兄與
 弟我其弄荒墟豈無曾與玄我其同雙燭宿集謂已朕內外無或噴同心
 與安貞大字標堂顏訓辭誠縷縷規範何閑閑宛將仁者柔剗却不義肝
 問胡能致之詩書惟屢翻平生菽粟味肯用飾輪轉遂沒古禮淵微彼異
 教藩光將謹喪祭次可嚴冠婚我後固已恤崇此寡與鰥瞻飢及賙寒米
 續朝莫頌居族暨掩骼虛塚東西存末俗凜生風動為人所歎淮浙尚無

有辨其真獨觀其孰爾行持川兼彼頑所以明聖朝天祥常齋法請者
烏頭表光輝照門闕評曰一家私籍爾向狂潮我嘗觀我人厥初皆一源
叔考祖所子姓也父所孫只緣混世姓彼詬來頗頗婦姑且諄語違恤同
氣燦終然孝與弟百行茲其元豈不悅爾道困彼舌虧反惟茲鄰氏子同
具衣與冠是心何獨殊此理昭無昏諒我剛耿士不受柔弱吞羽翼一吾
備居室一我安栖栖何為者感此淚河翻便將書爾行付以金石刊金可
樂而渝石可碎非完不若歌我詩傳之間巷閭庶令儉薄夫聞此心為酸
化一以為十百萬此其端流風或可淳古俗亦可遷但恨才力薄發聲僅
且繁宋子實知我我辭爾其剛 李好文字惟中爵里見後詩送汝常憲
命與君十載游共通金門藉官庠君所守鶴禁我供職貴游儼冠帶垂暮
分講席林林虎豹關天威儼咫尺有時得蕭散陶寫廓習臆鮮炮和漣酪
杯勺倒瓊液翠華歲行幸危蹕幾南北僕夫戒征鞍候人望前驛王事信
靡盬幽興亦自適槍竿過危嶺龍門看雙碧傷哉吊李陵荒臺有遺跡滌
京六月涼禁林少風日或相對晤語或時訪佳客留連僅再月驅車已迴
轍樂事方未終轉首駒過隙希聞又經年良會那再得君今持使節繡衣
耀鄉國歸棹浦江雲叱起初半石病夫嘆留滯故里盡荆棘願瞻天地間

永樂大典卷三五百天

處處每踟躕政如籠中翼羨彼冲天翮無以送子行寫詩長太息 許瑗
字東大樂平人至正解元本原一枝派同居乃道常人偽日滋蔓間閱殊
雖芒叢木盡凋落觀此松柏蒼姬鄭婺大姓九世間逾依引翼流弗替允
矣人倫綱敦睦天所性怡怡聚中室卜爾百福皆如阜如陵岡簪纓集館
閣碑表羅門墻宸眷勤以渥八紘景休光勗我戒盛滿遠大彌隆昌 盧
摯字處道號疏齋汝郡人翰林學士昔持鱗斧來江東春袍如花暈青紅
休寧別駕水作腫上窺吏部仙源通五世父子今孝馮刻章即上丞相府家
筆隨寵陳留公三年無夢到章鞍湖山一笑浮雲空花門使君躍馬至為
道道德人門崇耒耜嘉瑞忽迭見葭飛蕎應春風中大江東流活如龍恨
無蘭檝來相從涉川共採青芙蓉日被流風吹耳聾詩成不覺重嘆息西
飛卻媿雲邊鴻 摯為江東部使者時嘗行縣至休寧有朱別駕之家五世
張告為家實聞相府旌其門俾復勿事政及之朱之高祖蓋吏部公松之
從兄弟花門使君則摯之舊友忽都魯沙也 謝翔字翔字人父承
相天祥客也金谷山上雲采采白麟溪前水歸海溪中赤文長鯉魚恨無
神翅謁龍威廣陵城頭大風急吹散遊魂歸未得不結瓊英后上祠當充
蘭佩離騷國富貴易奪土莫移誰肯殺身為聯枝鷓鴣原上赴急難我有

冠裳可不如子孫至今無裂藉六代傳米芾一日白頭秀才誇能文得似
君家好弟兄李英李英字世英號都人鄭家義聚古來鮮若箇鄉人不稱善
建炎數到至大中二百年來名却顯彩楹掃空虫尾映大字橫雲蛇影轉
廟堂何事挂常布風俗緣茲作冠冕聖人御世有微權四海黃唐尚加勉
因知星實極遠覆亦由家政遵彛典孝悌相承不改轍一如力穡治疆畝
春苗或或待耘行耕芳茂必夷備自非方阜遂堅好得似坻京足充衍
迨今襲歲歲筭中時把五經共舒卷一家振擗果何繁六禮從來是開鑿
想當却建陳威儀馮行有字如刀剪玄綾繫并既振振明璫懸橫何翰翰
關河遙進唯夢到有懷不得殷勤展憲前閱盡薦紳歌逸思翩翩抽獨蒨
何當喚醒草堂靈淨拭塵衣認瑚璉留伯璉字子美都人四庭寂寂聽
我歌我歌律呂相協和不歌白紵與鞞拂但道鄭門行義多孫曾一室古
罕見况復習禮陳象犧繫維藉此作矩度長幼列序無參差譬之良玉發
輝彩灑沙大石加錯砿高表崇崇由此立青竹紀載名不廢世人皆溺禽
情愛截蓬之外豈知它寶鞭絲鞵紫花馬錦衣貂帽白玉珂但知淫靡騁
豪俠豈顧履蹈涉偏頗服箱駕軌者何物有功反媿牛馬騾嗟茲木偶被

永樂大典卷三千五百十八

五

文繡其利寧免操短戈父兄反日不識面勢不可迫矧敢訶一言紛拏即
求異教世安得同金鍋只緣富而不好禮罪自已出非人病長沙太傅若
見此淚眼決定深如河我生存走屢滿靴何年束歸咏碩邁有心如鐵不
可折但願鄭門法丘軻但願鄭門法丘軻三千三百皆蒐羅好為砥柱障
頽波張宣字景賢夏今為頭鑊作玲瓏雪破華春煖麒麟玳盤虎轉
環風力歇匹練染秋銀作痕玻璃出水光無塵河東大冢刻旌文煌煌耀
日放銅鏡香蘭笑抱螭頰照水生容搖不定長衢夾巷五侯家方驚銀
羽高蒼牙但欠多種紫荊花郝芝字海州世英城山隱者侯門爭似義
門高義門豈為華家瘼從來孝義貫金石不似章組輕鴻毛古來男子重
張組不知孝弟焉能伍義家有鷄尚哺犬酷史雖人能作虎我今不識孰
薰蕕但觀天意還可求一則若敢有餒鬼一則兒孫到千指不信當徵古
聖方人爵那如天爵強詩書府裏公台位六禮場中駕驛行只此何殊五侯
貴既是旌門莫為吏旌門何事莫為吏操筆殺人真可畏漢梁秋八嘗教
世英居因我子孫不為吏以致服威故云劉玄問院白雲山公承新入
趙侯令賦義門篇聲教感激誠所先諸生援引漢書事願我採撫心茫然
乃知民彝實未泯何世何地無其賢吾郡歐陽公史筆直如椽五代紀一

永樂大典

卷三五二八

行文藻尤孤寡深登二州王與李六世同居成愷悌飛鳧改為孝義鄉巨
 聖易作仁和里旌表雙闕樹烏頭門外綽楔臺高起坊以白堊赤四索不
 義見之賴生泚南唐濫浦陳氏宗七千餘指同朝養長廷唯諾尊幼序俎
 豆揖避溥古風犬號四百共牢食一尾未至思攸同和氣感名及異類傳
 誦猶足鍼愚聾人生天性有至理習俗汚染瘵厥衰葛藟美蔭縱斤斧葵
 根刈傷無報容萬鍾卽第豐一已族子操瓢溝壑中盾矛同室闕不抹脰
 臂代駢人紀窮懿哉浦江有鄭氏九世不分復何以吾聞書思奚足云軋
 坤叔氣鍾粹美煌煌奎畫照里間藹藹頌聲溢人耳不羨義莊誦希文不
 羨譜引傳蘇子琴之山芍浦之流千載不磨此休祉沐浴清化昭皇元他
 日徵之國有史葉謹翁字審言金華人婺州路司獄君不見漢朝樊重
 起耕稼三世同財人共說年踰八斗壽且康恩郵鄉隣通假借佳兒榮拜
 壽張侯好義由來同耆友又不見唐代崔陞住博陵三世同居人所稱一
 門孝友好家法六子達宦皆同升宣宗大書德星里子孫流慶何繩繩浦陽
 彼美康成裔合族聚廬今八世孝慈兄弟藹仁風樊崔未必能專羨有司
 刺上達中書扁額昭揭光門閭差徭蠲復有定制鼓舞聖化均涵濡一翁
 鶴髮垂垂老膝下曾玄更始好要令嗣胤續芳猷書種相傳善為寶欽惟

永樂大典卷三五二八

天子聖且神敦崇孝義還真淳何當論列上太史紀錄此事垂千春胡
 長孺字汲仲號石塘水原合長山場鹽司丞官中旌門屹森爽左右建臺
 高一丈粉版玄題明晃晃古越西垂浦水間一族合居群從繁所以天寵
 來使養當年曾主海隅薄海俗癡頑如猛虎雙眼見利四角紅咫尺父兄
 不相覩或持訴牒來公庭悲我寒淚滴欲求手把鐵槌不敢擊教化不先
 難遽刑豈知吾邦多孝義世德相承終不匱華表入雲非爾私要令惡子
 心生媿有口不解相曲阿卿公雖貴如我何海東似此能幾姓灑墨特相
 填麗歌按故事旌表有廳步步欄前列屏樹烏頭正門欄間一丈二尺馬
 頭二柱端首以瓦栢築雙闕一丈在烏頭之南三丈七尺夾樹槐柳十有
 五步近代不用唯量地之異高其外門二安綽楔左右建臺高一丈二尺
 廣狹方正稱馬行以白而赤其四角用以勸不孝義者詩中所謂建臺益
 指此也陳克道字景傳義為人仙華之山屹亭亭排空橫展翡翠屏大
 江前傾類建瓴一馮百里鳴春霆神氣勃鬱通潛冥東風吹花入紫荆紫
 荆却種榮陽庭玄檀根萼香凝凝上有五鳳聲和鳴如奏雲中紫鸞笙下
 有赤芝生前極扣之金石同鏗鉤坐歷八世二百齡朝朝但見博芬馨太
 平天子坐龍廷至治上與黃虞并化被海寓知天經彰善瘴惡樹風聲一

朝天書下紫清大書銀榜崇門旌鐵劍橫截組金繩鸞鳳飛舞未瑤京州
 里仰瞻如景呈吁嗟埃風欲翻溟涘穴之下藏戈兵閃牆勃蹊氣拂膺宜
 知原上鳴鶴鶴視此寧不面發頰我稽德義何由興季方為弟元方兄秋
 風老淚吹廣陵知心唯有花如瓊白月可蹈了不驚負骨歸葬四尺華二
 難制行通神明致命門聞逢恩榮龐眉書客塵冠纓作詩歌與太史聽形
 筆便當書汗青留與後世為章程 程舜道字景宗景仲弟也伊誰司此
 堪輿摧淋漓浩氣開象先帝青遙遙收不盡一時融作奇山川鳥傷北鄙
 浦陽漢仙巖斜倚青絲纒何年巨靈初龍鬼移來秋掌龍門造勢如長蛟
 縛不定東走十里飛蜿蜒化為金叢發靈瑞黃附巧與青蛇纏猶如大將
 擁旗鼓健卒觀夫持空秦香嚴群峰類結陣執兵速衛棘門前白麟昂頭
 卧其下口吐萬丈玻璃泉紫林絡石去不返蟠渦時匪為深淵靈氣盤旋
 不得洩神功欲聚鍾群賢榮陽先生眼如電洞然四矚牛無全不隨區區
 事籤麓手持鉄撻翻韋編發揚經筵築沉壘麾斥墨守施長鞭豈為遊談
 務口耳要做通德高門懸川鳴谷應不足喻盈庭和孺春風妍遠行萬里
 自頭步欲使弓冶傳千年利刀誓斬北鷄舌捷翻水比慈烏肩繼繼繩繩
 愈昭晰深造奧圃抽關鍵真醇益盡見壘洗文章銜統加紘縱昭哉孫曾

永樂大典卷三五百六

有奇氣噉噉雙壁輝相聯周郊天空鼎已失股民夜哭頑難錫廣平城中
 開大府百花高座貌貅貔紫髯將軍按劍坐元戎十萬橫戈鬪一朝分符下
 測水載旌直往何翩翩兄弟相搗斃欲死道逢見者皆潛然世間若有范
 史筆此事未許姜生專一門已見二千指變化藉此為陶甄穹堂邃廬若
 櫛比三時綴食開長筵大鑪一震鼎皆列前後魚貫行連連公財唯知共
 筭篋私囊不聽存栝捲薰漸儻賸諸禮讓厭飽飢宴舒憂煎漢廷當應孝
 廉舉淮南勿賦招隱扁繡衣使者駕朱轡廉察國邑操奸度下車咨詢于
 加額使合植表風輕僕夜書綠章數千字直奏衣閭行旌纓龍章光耀動
 林谷官曹慶至聲駢闐白瑤為榜涑為家兩楹丹腹爭瑛鮮煌煌淵宮照
 珠璧燁燁命服明蛇鱗義風洋溢被問問遠邁聲教咸明宣我聞古先建
 家國錫以山川連土田分茅命氏有定制從此世及長循浴別子承家統
 支屬涉歷百世無由遷布系分宗雖萬變水原本本知相嬗試提宏綱振
 萬目分明六子隨坤軋成周道法廢不講如卓無輻衣無船公卿既乏世
 臣禮氏族變滅同雲煙縱如八葉著蕭氏遺胤今日誰人傳宜期士庶或
 敦義合族有道恒平平老幹當中屹不動枝葉交襲皆依緣前張後李既
 赫奕南在酉鄰運絲屣只今榮陽已八世追合古轍無差愆聖人當天理

萬國時時教雨霑八埏。自非淪肌共洽髓。安有嘉瑞長江端。書生榮榮不
孤影。多寡奚翅夔憐蛙。青山濕翠裏。雙履秋燈雨。几空錯研。竭未觀。踏
心月。三日凝坐幾成顛。強顏賦詩不成句。悲吟徒用鳴秋蟬。瀛洲杳杳在
天上。風日不到多群仙。鋪張偉蹟定可屬。當有彩筆鴻如椽。吳師道字
正傳。萬溪人。至治辛酉進士。中書禮部郎中。烏頭雙表。誰家門。浦陽鄭氏
承天恩。聚廬合族二百口。數世不分同。雙燭閨中秩秩教。令廟堂上怡怡
色笑溫。丈夫冠婚動括禮。童子孫弟知敬尊。主人龐眉年七十。及見森列
曾玄孫。眼中甚事真罕有。何用華寵希高軒。吾邦孝義著古昔。邇來薄習
狂瀾奔。請看石刻誦規約。愧汗可使風還敦。興仁一國信有淑。東彝萬古
照無昏。君不聞。唐朝張公藝。五季江州陳。至今稱之無間言。勗哉來者守
勿墜。天壤名並張陳存。周伯琦字伯溫。鄞陽人。監察御史。白麟溪上孝
義門。九世同慶古道存。大書家範裕。後昆雙桓已表朝。家恩間孫祿食慶
舉蕃。馳封先世光丘園。天福積善方源源。黃河千折由崑崙。椒實盈掬同
本根。如何總總利欲昏。斗粟尺布成仇怨。誰如鄭氏崇彝倫。門外種竹堂
北營。森森橋梓下。蘭蓀尊酒盍。或鳴荒墳。里隣觀感終弗謬。白麟之水清
泔泔。鄭氏之興未易論。前比張氏後陸陳。詩之庶使薄俗務。周暉字子

永樂大典卷三五五十八

六

振。鄞陽人。至治乙酉進士。應奉翰林文字。我聞浦江孝義家。同財不數柴
荆花。九世喬木撐白日。百口大宅飛蒼霞。共食教行堂下太。殘舖仁及庭
前。鴉朝廷旌復良有以。要令此意周天涯。林希元字希元。天台人。應奉
翰林文字。浦陽江頭鄭家川。兄弟樂院同一煙。人傳九世如一日。問之渾
以禮數纏。鐘聲日日齊人起。慈字房房當面懸。共飯蚤教兒輩後。分衣先
到老人邊。暎門碧峰皆舊山。繞舍綠疇無客田。溪民換姓溪水改。宅前喬
木長蒼然。逸莫豪家滿墟郭。儒素獨許君家賢。生子多為越人秀。學成致
之天子前。山中情性愛官必。珪組亦復相蟬聯。有詔旌門照人世。江鄉慕
之中國傳。聞道縣中風俗好。長官只坐理琴絃。葉瓚字贊玉。上饒人。所
貢進士。江東書院山長。浦江東瀉聲潺湲。其源出自深。裹山泓翠相還一
百里。鄭氏隱處於其間。縣州中間達省憲。旌為閭閻雙鳥標。當時金玉兩
昆弟。于今子孫益斯繁。紫荊輪囷花覆屋。惟聞詩禮新瞻觀。冠笄婚嫁與
喪祭。考亭遺法時研鑽。南園有竹陰滿洞。別墅藏書快充棟。客來展席劇
談經。夜燭搖光簾影動。未知唐表九江陳。曾與吳興同體用。我嘗携兩來
茲鄉。殷勤一拜德公床。別來夢寐猶想見。肅容歛衽瞻新堂。烏乎新堂一
飯鐘。鼓列豎起清名照。燕粵。韓沃字進父。鳳翔人。今吾嘗夢入瀛水鄉。紫

璇作官翠瓔房迴風流鈴動靈璜老僊斜倚青瑤床。瓊童進漿白若肪。醉
中微吟九霞章。群仙委蛇參鴈行。覺來神爽欲飛越。發言占之定何祥。楚
焦一云奏玉靈告于達。吉繇使借仙人綠玉節。天風吹墮浙水東。浙山有
石青磊磊。浦陽江流直通海。江水去若飛。江色凝秋水。仙華芝草方纓綈。
山前月色白如練。綵鳳無蕭人未歸。繡閣依然屹雙敞。千年不見琅玕長。
笑歌蒞筵欲歸來。眼前忽覩御雲堆。揚眉正視之。旌門何雀雀。神晶透眩
輝。恍若金銀臺。獸垂環兮輕綰。振軋銅兮交硬。芝文巧琢鸞光鬩。闕鈇筆
一揮。萬牛莫回春蛇秋蚓。不足數。自然鐘鼎盤雲雷。我觀不覺再拜跪。夢
中之祥無乃是。便揖傍人問誰家。滎陽孝友言非夸。一雙兄弟類合璧。連
城待價無纖瑕。北風一吹江水竭。海來入夢非東華。誰歟。貝錦巧加織。尺
符播拾歸籠置。但知有義不知死。爭先千里衝風沙。登繇骨化招不起。血
淚滴碎揚州花。自茲聚塵又五世。孫子不敢相又牙。真人開天重褒錫。爛爛
文采因彪霞。我聞斯言至感泣。大豬失防水漂溢。禹行舜趨豈無人。多少
弟兄不相識。何如招青童吹鸞笙。兮奏松風舞海鶴。兮跳神熊。我歌白雲
樂三終。手持常滿玻璃鍾。請為滎陽主人壽。閱世滋久厯厯如張馮。萬
侯。碑字于過古。漁人有孝者烏。其尾畢通。鄭生百口尚同廬。初自睦州大

永樂大典卷三千五百六

九

山間移來浦陽居。有田可稼有園可蔬。其他無所嗜。唯愛魯春秋。如璫璣
以孝傳厥家。謂是一字符父兄。既侃侃。子弟復愉愉。一錢尺帛不異儲。有
孝者烏畢通。其尾鄭生兄弟。何偉偉。縣有賢大夫。聞之喜欲舞。上章公府
中。請表宅與里。生言人道常素無甚奇。僂祖父同尊。合鼎時。豈足有意求
褒美。大夫頷謂生。汝言宜無理。吾非私汝家。要為風俗計。自此儀曹錫寵
章。機括一轉多。興起孝烏。孝烏能哺黃口。雛雛羽翼長。漸學飛烏為雛。故
力漸衰。雛反哺烏。如哺兒。鄭生之孝得似之。故能推義沾功。總世人往往
忘其初。顏面雖人烏。不如右孝烏。行張瑾字庭美。保定人。翰林侍制。山
之陽生大椿。八千歲。為秋復為春。上有巨枝摩天入青雲。下有長根入地
何輪囷。一山羅列皆子孫。雨露滋養無斧斤。浦陽之鄭氏。孝義世所聞。二
百餘年如一日。九世相傳如一人。綺之起家有始約。文嗣六世族振振。今
惟貞和年八十。約中百事先其身。朝食與暮食。男女各殊堂。食之同飽衣
同煖。男事女功不敢荒。但有公其家。未有私其家。逮及奴婢賤化及棠與
鄉。搜古比屋封族門。在康莊。昔聞唐有張公藝。九世能同居。高宗廵方問
其故。書獻忍字帝。嗟吁後世為名言。史策照居諸。若比肩之親。九族九族
則自睦。以親則有餘。以忍則不足。忍至不能忍。兄弟或相賊。夫婦乃反目。

永樂大典

卷三五二八

又比老吾老幼吾幼吾之老幼吾自親親而加恩理未究訂頑推一理天地合萬物親於人類中其本又同出恩在至親中仁津恐不續今之天子竟之似黎民於變自茲始一朝如有問勿書恩字書親字 陳克道字見前我觀世間人易凋若花柳唯有奇男兒千載骨不朽鄭公壯氣秋雲高虬髯起立如利刀要將殺盡不義鬼肯假大戟長鎗鏖何人在家能不死公死廣陵大城裏北風吹盡血痕青芳魂夜歸逐江水江水有竭時公義不可虧我來拜公像凜凜若見之嗚呼埃風方渺瀰交相為瘡何人斯如公當作百世師右題鄭美士玄麓先生像 皆全字殺音龍八須女分光塵近躋浦陽自昔好山川白麟直噴千堆雪翠嶽斜張九曲檀延慶門關當有寵豫公兄弟故多賢百年遺血不改碧八世傳經但守玄帶草春雷通德里常華香染廣文繡石標麟鳳瑤文列篆縮蟲魚玉勝縣振宴陳陳存黍稷掩骸鬱鬱築松阡樹防欲障奔流清弼教應隨化軸旋珪組何人嗟譜遠布韋有士獲宗傳人生只此彘倫盡一日何須羨九遣 吳當字伯尚臨川人草廬先生知清孫也中書兵部郎中故國衣冠地名家孝義門同居能九葉精學又諸孫時薦嚴宗祏晨叅列弟昆周旋俱典則辭氣清溫白髮千金壽華筵九醞罇承顏惟宜弟服禮自朝昏里閉尊儒素閨門

永樂大典卷三五二八

二十

戒師言道超真有序雜沓更無瑩籍甚群公譽猗歎薄俗敷隣飢分粟布客至餽牢飧丹卅山陰棹原原谷口轅張琴春滿坐洗筆月臨軒置驛清風久傳經古意存五倫嗟教弛百思與誰論世已書連屋秋仍稻滿村山莊友麋鹿粉社宴鷄豚褒奏歸廷議桓楹表國恩自多承雨露已足貢丘園私淑垂規範貽謀著本原後人方食報逆嗣諱孤騫仙籍通青瑣官曹近紫垣鄭深字仲敷時自太傅府喪史為宣文閣校經此兼經進詳文宴 採之請弟詩字仲舒亦經廷檢討兄弟同進講惟冰字仲潛又父知丞相為太傅孫一門之感時人榮之五雲未嶽鳳六月起滇鯤從此公侯復終期福祉蕃高名千載事竹帛照乾坤 劉中會稽人詩遠方平余同金華名古郡山霽毓精英風月霞溪會賢能時氣生一江分遠浦百里近魏城鄭氏何多裔高門見列卿殊恩滿澤厚大雅播音明海內林華在朝中踵武迎一經遺令子九世裕諸甥甯氏誇丹桂田家尚紫荆流芳存簡冊後代準權衡喬木紛蒼翠亨衢耀寵榮忠貞表文獻清白振家聲道為詩書重門因節義旌南州足冠冕東澗繼簪纓嗣志思鴻鵠原情類鶴鶴八龍奚足並三鳳總難并杞梓充庭立芝蘭繞砌傾悲傳清廟古水瑩玉壺品鵬鷲橫秋遠驂駟向日鳴何如新雨露擬化巨鵬鯨群萃吟風靜紅蓮送

水清詩成珠玉粹筆落鬼神驚
 院試才名按牘文書閣分曹會計精
 溫臨玉樹涼露金莖文采推奇絕
 年儀重老成清新逼何遜
 馬逸邁陰鏗鳳集千年瑞
 鵬搏萬里程
 指臺還薦荆蘭省定尋盟會
 凡承丹詔明時佐太平
 周鼎字子魯東平今未
 以世賢也
 倫卓哉
 旌義宅九世
 獎猶同禮樂從先進
 綱常振古風
 闢庠明教育發粟起饑窮
 家世由勤儉雲仍秉孝忠
 幾年拚義重一旦衣門崇德亞
 依公藝名標太史公清規傳可象
 皓首識非熊創業思艱始持盈
 安克終齊家能有道於世豈無功
 坐看百川水狂瀾日向東
 陳倫子魯理會
 指人娶女曾臨地婦娥尚應泉佛
 盧孤塔峭仙館數峯圓空翠侵人
 獨山風拂馬聽青杉開卷畫升米
 繁珠玑虛白高人靜幽棲此地偏
 繞塔叢杞梓滿室鬱蘭芬
 賢時還羨登門興已專
 舊知常汲引異縣始周旋
 心醉如傾蟻情歡為擊鮮
 圖書森在眼水陸盛珍筵
 章甫交雖淡高山韻可絃
 于門多樹立陳榻甚安便
 故喜春風坐無愁夜雨眠
 淹留成信宿感激歎孤鶩
 帝渥宜蠲復鄉家固勉旃
 翠珉凌嶺鴻筆走蜿蜒
 視古終無愧於時
 勝欲宣文章驚藻繪
 華表看胎仙名實真如此
 逢迎復有烏見聞
 非柳鐵言貌豈扼鞭
 謾說行難速寧知事有先
 奉祠嚴伏臘譜世過曾玄
 美實

永樂大典卷三十三

二十

蓮盈百中堂指累千冠
 婚循禮制左右合班
 聯會飯饗擊鼓同居
 簇簇煙老成心愈樸
 童穉德猶全習慣皆存
 敬居常敢矯虔四知雖
 甚畏一思蓋無愆
 渠度參前憲探為在後
 賢處心難轉石率性肯
 為倦鑿朗遭時彥家豐
 邁性年幼流疑海接肯
 構若雲駢樹密瓊枝茂
 機空貝錦捐日收同李
 庫春種得蘇田稍康能
 河潤比鄰孰聲懸親踈
 知有自施予合於權
 寂喜中流柱誰從下瀨
 船世情傷布粟物理憾
 變蛙君子嗟無及何人
 疾易痊雖刀相趁逐膏
 火謾煮煎怒則爭牛虎
 微為嚇鼠哉羨榮多害
 道常詎知天感事興長
 慨抒辭發後篇曹劉能
 得隨陳范却齊肩張望
 東濱閭蒼茫正路適
 賴鳴機自勦草偃蔓難
 延莫謂多猶病爭聞
 舜有羶蓮行如有序
 干尾不勞牽珍重憂
 沈睦欽虛力障川共
 飜餘子步可說大庭
 連盛代斯為青溥風
 早入選士流增厚重
 鄉曲絕輕儇夔契家
 家是東南處處傳
 鯨生何似者亦得賴
 陶甄屠性字彥德諸
 暨八月承書院山長
 昭代多旌表誰如鄭
 氏賢起家由孝義合
 食過曾玄外內三千
 積春秋二百年分明
 周禮樂燁赫藝山川
 閭閻非徒爾源流必
 有先里新通德號派
 始睦州遷友愛相
 芻室鄰飢儘樹田墳
 麓騰士詠弓冶付孫
 傳炯炯星垂目授
 杖鐵伸觀尊王窮
 蠹簡著論合經筵
 父老究無訴親
 慈病久纏吉盼求
 代切江

草抱持仗，棟木棲鸞。陰麟溪產玉淵，哭泉如鯉。躍禱雲露，牛眠異爨。虞身
後深衣誓墓前，血誠斯感。格胤肯遂，蟬連四葉。繁陰併雙枝，碩果駢遺民。
周末革重典，漢初沿。後壽情何似，褒融請互堅。戴旌夫樂道，就獄廣陵堞。
碧草凡膏化，瓊花弟淚連。絕江歸白骨，廬墓愴蒼煙。宗子思當繼，狐兒撫
冢憐。空馴烏鳥食，幾廢鶴鷄篇。造化英靈在，詩書厚澤延。一翁投墨綬，八
紀享華顛。古禮躬將踐，家規手自鉉。祖祠重振拓，時薦必精虔。土木神祇
像，縑緞佛老編。列房遵屏棄，左道絕攀緣。主饋供醴醢，諸孫執豆蓬。官非
家敢備，職賴族能專。爵弁三加重，鸞迎六禮全。婦言須日戒，祖訓逐時宣。
蕭穆閨門裏，怡愉几杖邊。璧琮安藻藉，琴瑟應冰絃。每聽鍾為節，分趨鼎
列筵。鴈行真有序，鳩愛本無偏。黃卷牙籤富，冰壺寶鑑圓。崔芬貽孝暉，柳
郢侍公權。不待幾微諫，都忘示辱鞭。華光輝薛瓜，庭慶綿綿。度溫豐登
粟，儲贏積著錢。繭絲春箔聚，機杼夜燈懸。共效分陰惜，誰甘外物牽。成童
猶采茹，速客始庖鮮。異味雖娛老，乾餼不致愆。服隨親降穉，認為義周旋。
白髮還嘗藥，祥琴尚食饋。人倫看秩秩，王道信平平。錫類軍宗部，餘波及
里廬。參苓驅瘴厲，棺槨敵烏鵲。抵廩輕千斛，誅茅廣萬椽。震凌依巨庇，溝
壑免深填。婦賴康充乳，兒驩食下咽。鑿耕環浦浦，樵牧被巖巖。惠有家家

永樂大典卷三十五百天

祝通判處處指問，問還揖讓索齋化。輕僕初命桓，楹建申言雜。賦蠲烏頭
昂突几，鳩首護蛟蛟。筆札金閨序，文章玉署仙。寵踰旌子子，責勝帛篋篋。
佳傳登三史，淳風扇八埏。陳褒難獨步，公藝與高濬。感激洪恩被，摩挲老
眼穿。守成森杞梓，孕秀盡珠玑。麟趾開眸意，黃鍾大呂聲。績規嚴畫一，新
譜繫盈千。外傳資防範，遺經轉究研。別開虛白室，高倚鬱蔥阡。湖學先生
教，祖徠弟子負才華。成黼黻器，用出陶甄。今聞闢台鼎，清光接斗躔。差池
公府採，瀟灑孝廉船。雨露齊承渥，雲霄早比肩。雙螭香爛熳，三鳳影聯翩。
甸珮彤闈密，煙花紫禁妍。橫經懸象冢，進講映貂蟬。儲后頒銀畫，元臣洒
錦綵。門湖增至喜，琬琰託深鐫。爵命露存殘，龍光照幅幘。謳歌春浩蕩，夢
寐綵踰躑。地脉潮通海，星津粵近燕。繡行思暴勝，槎泛待張騫。尚論今如
此，運嗟古邈焉。漢臣棘藪請，魏室豆其然。布粟諺猶習，糧糶俗未愆。寸腸
迷粉黛，同氣凜戈鋌。舉世狂瀾倒，斯門化軸還。獨擊霜雪餘，不染淤泥蓮。
樹立誠難矣，栽培盍勉旃。斷金加勇銳，執玉更勤拳。高誼雲天薄，相思日
夜煎。任叨君子里，業愧廣文壇。枉翰情如覩，振衣疾屢痊。願消胸鄙吝，敢
憚足屯遺。碧嶽為城郭，清溪抵澗澗。世家仍號鄧，泰運正坤乾。甘露零朱
草，祥雲蔭醴泉。不於茲地發，何以表皇天。程國儒字邦民，番禺人。至正

中印進士餘州判官問君騎馬通誰門白麟溪頭三鄭村雨後鳴鳩初
喚婦春來慈竹又生孫東郊表宅書還在南國觀風俗已敦九世衣冠三
代古百年禮樂一家存極知有意扶倫叙祇恨無人究本原賴得青城虞
太史文章款款頌皇元 別兒怯不花 字大川燕曾吉 中書在丞相
白麟溪上有旌門九世邑邑孝義民晉鄙多沾荆樹雨朝章兩被墨花春
傳家已見存詩禮瑞世何慙比鳳麟莫道江南風土異從茲民俗定運漢
柳貫字道傳浦江人翰林侍講中鄭氏以九世同居得賜旌復方請
文樹碑因以美之 復戶旌門繁政樸仁根義葉發重徵青瑤刻字標門
表彤華登名重布衣爽爽恩榮增世美繩繩孝弟保家肥蕪辭宜足鋪鴻
偉看取芝蘭引夕緜 獨傑斯字更明堂城人翰林侍講學士諡文安柳太
常道傳以書來京稱鄭氏九世同居慶浙東所莫及且徵予文予以其有繁
風教也既為撰孝友傳一通俾之勒石以示子孫復為賦詩一首 賦說
名門近越川 華偏為發春研子孫共飯三千指詩禮傳家二百年簾影
護庭晨鼎列書聲撼屋雨銓連因茲憶上金溪道官柳逢人亦黯然 張
越巖 字魯臣 河南人 延祐乙卯進士 及弟翰林學士 水吉 浦江鄭氏家聲
好九世雍熙萃一門禮法謹嚴遵祖父義風傳習徧兒孫朝昏警勸音容

永樂大典卷三五百六

二十三

肅聞聞安和矩畫存盛事馳聞到京國令人興起仰淵源 王沂字所貴
東陰人延祐乙卯進士禮部尚書化行宗族百年中惠及鄉鄰不有功堂
上德星光又聚階前書草帶應叢表間四葉垂青史遺訓三篇見素風欲
識慶源何似速浦江春水日流東 楊宗瑞 字廷鎮 天臨人 延祐乙卯進
士翰林侍講學士義門何許是遠在浦江東去國五千里傳家九世同細
觀家範集足變閱牆風馴致雍熙化終朝紀聖功 馮恩 溫 字公勳 晉陽
人 卿之中丞 恩字多書憶昔賢浦江鄭氏又光前一門聚食數千指九世
同居二百年家法有條知戒懼宗盟無替水流傳白麟溪上簾櫳外題表
峨峨簪翠煙 胡助 字古愚 東陽人 太常博士 鄭氏義門族未久矣述者
余僉憲行部經過大書東浙第一家五篆文以褒之此觀風職也助嘗造
義門獲拜期頤之老於床下見其長幼有序衣冠濟濟一家三代之風也
嗚呼盛哉輒賦近律一章以紀云 相國馮書護碧紗鳳麟淵藪閭煙霞
南方禮義無多族東浙衣冠第一家天上經筵資檢討里中文學被光華
觀風善俗加褒表厚德清芳豈有涯 鮑聞 字文建 安城人 至順庚午進
士 馮陽府知府 浦江幽絕處鄭氏好園廬族聚千餘指同門九世居家風
化僮僕康粟振鄉閭謂魯無君子君看信史書 既天祐 字吉父 沂人 泰

永樂大典

卷三五二八

定甲子進士。江浙等處儒學提舉。開道浦江三鄰里。同居鼻祖到仍孫。百年禮樂當時代。九葉衣冠見義門。公子可伶爭死事。餘教不忘食饑恩。家規一一堪垂世。金管何人識記言。徐一清字水之。蘭溪人。至治辛酉進士。江浙儒學副提舉。華堂深坐。鯨魚棍。義訓勤勤。聽不諱。雪案詩書均几席。夜憲燈火共絲麻。一牢共食。別諸犬。百口同居。有幾家。昔鄙人應薰厚德。庭前重發紫荊花。汪文璟字巨良。信安人。奉定甲子進士。餘姚州知州。高門崇重十行書。古屋同遭百忍圖。九世一家真罕有。五公七宰定何如。教行官署嚴無異。食散僧堂靜不殊。更喜羊綿書帶草。故家通德慶方餘。貢師泰字泰父。宣州人。中書史部侍郎。太平禮樂共光華。浙水東西第一家。九世同居元有法。千人聽教自無譁。竹林慎見冬生筍。荆樹應慚晚合花。積善定知當食報。滿門朱紫爛如霞。王良字止善。諸暨人。江西行省左右司員外郎。浦江仁者里。獨說鄭公間。柱出中書議。名標太史書。茂聲方鵠鵠。厦屋正渠渠。善慶源流遠。聞風重起予。林以順字見前。江西等處儒學提舉。當年六世孫。今又見。曾玄堂構恢先志。規模似始傳。緇衣君子服書帶。我家既清夜。賜知己。簷花燈燭前。許廣文字其璧。台州人。鄭時戶。鄭家九世尚同居。孝義曾題太史書。共著家規凡數。快行看食

永樂大典卷三五二八

二

指又千餘。門庭累世榮簪笏。綽楔長年照里閭。况有諸孫皆力學。東明精舍近何如。周自強字剛善。清江人。義烏縣人。世道有升降。民彝無古今。閭門千百指。慕義一生心。異數昭殊渥。希聲調雅琴。塔庭多俊彥。佳句通何陰。鄭氏仲潛。是事嘗以詩君文未見。故及之。徐營字子耕。廣平人。要將家政繼千齡。六世同如一弟兄。紫鳳銜書來禁闥。白麟吐水護門旌。固知太史能書傳。尚欠儀曹為勒銘。媿我秋風憐影客。徒歌秋杜葉菁菁。楚僊家古氏。卿貢進士。四海皆赤子。君恩獨爾褒。尚培荆樹茂。莫負義門高。烏闥庖須異。霜寒子欲逃。深防斧頭下。有舌利如刀。劉君民四世同居。隋末荒饑。妻勸其居。因易五庭樹。烏巢吟且鳴。曰。天下亂未息。而禽鳥不相容。况人耶。君民即與兄弟異居。月餘。如其謀。斥去妻。召兄弟。泝泮以告。復同居。夏泰亨字叔通。會稽人。卿貢進士。白麟溪上移家日。玄麓山前守墓時。一念獨全兄弟義。百年賴有子孫知。褒書諭俗旌華表。使節觀風采頌詩。聞說浦陽江上樹。春來多長紫荊枝。逯公瑾衛郡人。白麟溪邊三鄰氏。庭前芝樹玉森森。誰知九世同居義。即是初年就死心。棠芬芳春滿塢。桑麻荏苒早成林。世間多少難兄弟。更覺天倫有感深。王宥字敬助。越人。九葉同居世少聞。一雙華表抗浮雲。朝廷已識張公藝。鄰里

惟多萬石君。太史有文垂不朽。清時遺範獨超群。鏡湖亦有西來族。千載流芳許共分。吾鄉義門來。先時聚族。其族事。吾義照門物。今歸然獨存。趙傲字本初。會稽人。鄉貢進士。白麟溪上鄭公。鄉孝義傳家。世德長。縣壁訓辭。觀恩字。凌雲華表。拜恩光。紫荆樹發。春連屋常。花深芳滿。床昭代民風。有如此。流聲千古。映熒絢。王壽字景先。東陽人。置身蚤已。近台階茂學。方年執與儕。德樹義門。輝。賢儲相府。入芸齋。講筵曉日。瞻龍容。禁闈清霜。拂象牌。生意滿庭。書帶草。春風運肯到。堂槐。鄭氏諸孫。仲。無仲舒。以學行聞。大丞相。延至東閣。為二子師。故詩中及之。所謂象牌。以象身為之。長不滿尺。面刻宣文閣三篆書。圍以金背。則輝以象古。衛元宗。寫作二行。鮮以青。鮮以青。綠。綠。佩此方可出入禁闈。恐請詩者不盡知。并識於此。葉森字景修。武林人。綽楔門傳九世居。白麟溪上狎樵漁。至今鄉里名三鄭。想古衣冠勝二疎。婚嫁有儀。家法在科。徭無擾。聖恩隆。流芳可似張公藝。對御曾將恩字書。吳武梁字梁卿。水新人。掃地焚香。閱素編。貞和家。乾浦陽傳。一門延譽。數千里。九世同居。二百年。丹鳳池頭分雨露。白麟溪上貴山川。規行教熟。賢良出。鄭里應成。採玉田。鄒爽字仁道。吳郡人。至正戊子進士。饒州餘干。麟溪流水。漾清輝。華樛文光。動紫微。九

永樂大典卷五百五十八

三五

世同居。端有義。一門純孝。在無違。桂林秋露。侵黃卷。葦春風。照綠衣。昔日十齡。同不朽。五雲。摘錦出。綸闈。程徐字仲能。四明人。校書郎。壽長。張氏久無聞。三鄭今知禮。義存。合族已能同。九世成規。猶得勸。諸昆。鄉間貧病。皆分食。官府征科。不到門。世俗每傳歌。尺布。掩書何足與。同論。統屋青山。隱士居。當年曾記。過庭隅。老人堂上。肩垂雪。稚子階前。編作襦。華表千年。歸瑞鶴。名鄉異代。識飛鳧。于今著位。多孫子。贏得芳聲。滿九區。李序字仲倫。東陽人。共詭張公藝。同居九世餘。君家不相遠。光采映鄉閭。日照旌門榜。天垂給復書。庶幾千載後。無使族人疎。孫柏巖。水新人。管軍千戶。舊說張公藝。今傳鄭氏門。一堂無異趣。九世尚同墳。裕後家垂範。褒賢國有恩。不須書恩字。福澤自源源。陳煥翁。水新人。讀公規約。使人嘆。世降風類。不思。謫富貴。猶懷。膝釜。怨功名。不掩。絕。格。慙。孔桑。析利。鷄。鳴。起。蟻。觸。爭。雄。虎。視。耽。誰。不可。為。陳。陸。鄭。江南。僅。有。義。門。三。方。升。字。方。明。會。稽。人。鄉。貢。進。士。同心。堂。古。肯。分。居。恩。字。曾。聞。書。百。餘。瑞。木。連。枝。和。德。種。嘉。禾。蔽。野。帶。書。鋤。雲。行。毓。秀。懷。青。簡。昆。弟。親。光。待。玉。除。孝。義。之。門。有。如。此。高。風。足。振。斗。牛。墟。喻。仰。翁。字。理。思。會。稽。人。娶。女。山。川。此。發。揮。龜。龜。綽。揆。未。南。陸。白。麟。閭。閭。三。鄭。里。玄。麓。松。楸。百。世。思。家。範。嚴。明。敦。薄。俗。義。方。爽。葉。樞。成。

規洋顏恩見。晉纓後。別業異財親老時。歐陽公瑾字子珍。唐後分浙東。宣恩司都事。孝義古未有。于今見鄭門。繩繩敦薄俗。歷歷紀名言。不尚田園富。能令爵祿存。傳家方九世。原德長兒孫。蔣器字文用。東陽人。孝義門前花滿林。白頭兄弟舊同襟。不惟關繫天倫重。要見漸濡德澤深。海內遠齊諸老望。山中長掛野人心。卜隣倘遂箕裘計。終古同歌鸞鳳吟。俞煥字仲文。越人。春秋明世澤。睦族有庭箴。孝義聞三鄭。死生同一心。白麟波浩渺。玄麓樹蕭森。喬木成陰處。天恩雨露深。歐陽玄字原功。壽州人。見後詩。送汝常。王命。樊載東南孝義家。才名一日動京華。官師久典官中學。使者真乘海上棹。苦念吾民嘗越膽。勇先諸校式吳娃。會當盡掃妖氛淨。歸侍螭坳戴觸邪。熊夢祥字自得。汝常富太師道濟公在朝時。得旨除宣文閣授經郎。閣居內府。凡聖子神孫。咸曉勳舊。碩宰子弟。俱奉旨入閣授道。閣中有土圭測景。自卯及申。始解學。越五年。除天官。值道濟公總領天兵討淮泗。時六卿從行。汝常預列。後相君謝事。汝常恬居三年。裕如也。至正丁酉八月。上御樂京水精殿。大臣奏除江西省郎中。同日臺臣復奏。除浙西憲司僉事。凡朝中尊顯。與夫三學名流。皆汝常之知舊也。於其南還。能詩者咸賦焉。予因繼作詩曰。曾是宣文秘閣郎。圖書奎壁爛生光。

永樂大典卷三千五百六

宮憲日射。脈稜影。御榻風清。篆鼎香文煥。天官融化筆。法明烏府。振綱常。慶門世積。由忠孝。好策奇勳。答聖皇。陳顯曾。延閣遠迤。接道山。絳霄雲氣隔人寰。尚尊每憶分曹送。秘殿仍聞進講還。漸喜三邊收羽檄。更推群策勳龍顏。表年亦有駢馳念。江上蒞蒞尚掩關。陳士元。天上星辰拱紫微。紫微垣下碧煙低。雲開宮殿趨朝早。花擁旌旄仗齊。玉漏報壽移畫刻。金芝封詔濕春泥。詞臣曾記承恩處。進講經筵近壁奎。白麟溪上結茅廬。與向山中夢帝居。問答宣文曾進講。錢名至。正近徵書絳宮龍。鳳標金榜。紫禁鶯花。逸玉除。明日從容承顧問。肯將詞賦薦相如。陳應宗。幾載江南夢帝居。猶驚驪馬聽晨鷄。扇開雉尾金容遠。班列螭頭玉筍齊。公署春開雙闕近。經筵日煖五雲低。詞臣快整朝天佩。應有除書護紫泥。李思齊。宣文高閣起中天。檢討承恩席屨前。黃道星辰環禁闕。清朝雨露溼經筵。漢庭久羨元成學。唐殿惟聞鄭澣賢。又薦聲名歸日下。喜看三鳳共翩翩。張良金。儀鳳翩翩集浦陽。翔翔千仞又觀光。瞻依日月富金闕。際會風雲近玉堂。身角霜飛床聚芻。天顏夜直袖薰香。校文早折春蘭撈。催赴經筵進講章。鮑子仲孚。崇德人。元統乙亥。解魁。解山書院。山長同前。九月江風吹客衣。歸朝恨不逐雲飛。自辭禁闕還家久。祇恐經

緯進講稿。鳳閣弟昆應企想。鑿坡僚友亦瞻依。到京若說相逢地。剪燭論詩在貢闈。王正發已之秋。浙省大吧。于奉水督試事。仲舒時在同列。故云。

閻復字子靜。號靜齋。集賢學士。聚食當年說九華。滿陽鄭氏史堪嘉。竹看雨露霜門表。人道江南孝友家。李衍字在中。新安合。玄麓君。與其弟竹溪。友愛甚篤。竹溪被人誣搆。以不測之罪。當逮揚州獄。君憐之。以身代行。卒一去不返。新安李衍在中。嘉其義。作詩歌之。有一男兒多白鬚。掉臂直入維揚墟。只今義氣耿不滅。神光夜吐玉蟾蜍。蟾蜍吐氣凌赤霞。肯為抹鶴為姦沙。千年不必問營霸。化作回家荆樹花。沈文伯字子煥。越合。予與子振遊大樾樹下。子振指以告予曰。此予高大父冲素君手植也。冲素多隱德。植此樹時嘗誓曰。願吾子孫蟬連若枝葉。然今將二百年。而無言異籍者。亦異哉。其客沈文伯。善之作詩答之。何事公家九屬連。祇因種德為開先。子孫好把仁漿灌。葉葉春風剪翠旃。許謙字益之。金華合。臨大樾陳景傳索予賦鄭氏義門詩。走筆奉此。觀者采其意。而略其辭可也。統宗法廢浸難稽。忽見燃萁五字詩。不是鄭門能合族。更從何處驗民彝。天理昭昭若日星。為流人欲遂昏冥。百年孝義流芳澤。要守須還問六經。王楚龍字元義。浙東康坊。命其義門九世共生涯。張氏今傳鄭氏

永樂大典卷三五百二十八

家。一曲埴荒音律協。春風偏上紫荊花。鴻鴈排空度海涯。行行有序類治家。春筵會食言無間。衣纈須防有絮花。吳直方字行可。浦江人。某賢大學士。海右俞憲元戴公。行縣浦江。以鄭氏九世聚居。作詩褒之。詩成。俾縣主簿持以示予。因繼作詩曰。九世同居古亦稀。旌書褒寵實相宜。九江陳氏名雖在。豈若麟溪今見之。百口無私共爨煙。只緣孝弟子孫蕃。繡衣使者加清譽。會見滔滔薄俗敦。黃子華字希尹。東平合。族同居人道常。初無奇瑞若星風。可嘆布衣歌謠起。致使人呼孝義鄉。謝端字敬德。國子司業。盡為形骸強閉封。當知九族此心同。東風吹醒荆花夢。誰染臙脂又作叢。春不華。一名連普化。字兼善。蒙古伯牙吾氏。生治平。西進士。及第。姓古所。春秋家學傳來遠。九世于今更一門。聞道階庭有餘地。年未偏藝好蘭蓀。王守誠字君實。大原人。中書禮部侍郎。弟兄弟爭就維揚獄。只此遺芳百世中。何況聚居能累葉。可無旌號感民衷。宋本字誠夫。大典今。生治平。西進士。及第。中書禮部侍郎。弟兄弟爭就維揚。曉正晴。莫負朝家恩寵意。長將禮義作干城。宋張字嗣。大興人。本定甲子進士。翰林直學士。出贊已憐秦俗陋。同財還憶漢民淳。祇今滿汭聞三郎。九世一堂都是春。哈八石字文苑。子儒。今。延祐乙卯進士。中書戶

永樂大典

卷三五二八

部負外郎族屬雖千共一初。人生何可不同居當年怪殺張公藝把筆猶將思字畫。韓性字明善會稽人。揚州夢醒百年間慈竹春多香雨繁天

降紫書來下去。旌臺彩影覆門闌。王奎字景文東陽人。鄉貢進士。浦內吳寧地脉聯達人盡道鄭君賢。借棧德色何為者得似同廬二百年。楊

俊民。往年承詔待宣文。淒水秋風始識君。顧我山人多鄙野。禁林起步賴陶薰。共列經筵侍冕旒。每蒙陪食大官羞。一時相契惟君厚。分手那

堪作惡愁。身衣手線念尊慈。唯恐升堂定省遲。鶴髮魚軒正康健。春風吹喜入瑤卮。絳衣辭別繡衣歸。寸草恩承萬丈暉。浙水東西儘繁庶。一

門佳慶似君稀。東南富庶冠坤輿。位德功勳十九虛。畢竟亂基果何在。秋時無惜萬言書。暫出神京按浙西。奇書妙典向誰稽。明年四月南黃

傑定望文星北聚奎。元黃仲寶題江浦。鄭氏義門。浦江之陽三鄰里。合族而食數千指。到今相傳三百年。鵲然絲麻與詩禮。誰其作者冲素君。

手植大榿青未已。一葉何非土本根。不是和氣寧毓此。旌書煌煌表高門。過者改容皆敬止。征徭屢免見累代。孝友持書煩太史。我聞三皇五帝前。民

俗熙皞自古始。後來尺布遺興謠。衰慈音長嗟塞耳。張氏徒聞書思字。田家重見荆花紫。美哉鄭宗誰與儔。獨立千載民綱紀。家規一通在座右。派

永樂大典卷三五二八

六

慶綿綿孫又子。願使淳風四海同。再見周南詠麟趾。唐氏義門。元許有任。至正集。滏陽唐伯春義門詩。溢水悠悠

照紫荆。一枝枯悴兩枝榮。春風能使花如舊。由藥行看世有萌。今古昇倫星日在。田廬遺產羽毛輕。勉旃繼嗣承先訓。莫遣謠傳東布聲。湯

氏義門。元仇遠金洲集。頃深水歸登官塘。漢章義門。元五山翔鳳集。東廬花竹園池可隱居。奕代文聲傳學館。大書義

字式門閭。堯麓雅奏和為音。樽俎清言樂有餘。車笠重逢當一笑。白眉青眼尚如初。一塘分雨百泉流。喜作山房信宿留。騎馬傍門知不厭。坐床

索酒合應羞。生平仲舉延徐。釋老去文淵。憶少遊。霧豹直疑斑已露。翩翩入谷有鳴騶。元僧大訢蒲室集。湯氏義門詩。九江義門是吾族。流落四

方困窮獨。幼承慈訓寄空宗。隻影江湖隨鴈鶩。吳門湯氏碩且蕃。七世同居二百年。中書旌表部符。下郡乘載之太史。傳幸際明時。歌有道誰謂古

來風俗好。孔子東西南。任氏義門。元王惲秋澗集。義門任氏詩。此人周公兄弟不相保。并序。燕雲風土雄。碩故其

俗純厚。多以孝友稱。御史蘭君寶。臣屢談於余。吾鄉有任著。飛卿者。樂誦書。其家義風尤為昭著。至三世同爨。鄉鄰化而慕之。願得一言。發越其美。

因賦二詩于以見蒸蒸所自且勉夫錫類不償之心焉 燕雲任氏世同居和氣薰然樂有餘春在紫荆庭樹底綠陰初不見扶疎 一門高義冠鄉鄰累葉相承 華春不學族公書恩訓友于元自孝心純

丁氏義門

開封府志元丁謙即城今五世同居聚族

百餘口鄉里稱其

陸氏義門

包宏齋弊帝崇略旌表陸氏門記天地本一家人已本一體况其所自出者猶水同源而木同根者乎自古在昔篤敘睦周于九族五宗之法其不遷者固將百世而其遷者亦流轉無窮尊尊親親老老幼幼未始一日離析綱常秩然不壞不滅而風俗醇厚禮義興隆世之所以極盛大治者由此其選也自彝倫斁宗法廢天理無所維持人心失所管攝極而至於拔本塞源滅恩絕義以父子而異居者有矣以兄弟而爭訟者有矣旁視群從則又若塗人不相識而反相攻者有矣斧斤日縱骨肉日離此天下之所乖亂而不可收拾也其所關係豈徒曰一家之理亂而已然則歷千餘載而下而乃有如陸氏之門者豈非世之聚聚乎絕無僅有而卓卓乎光前絕後者乎此我皇上所以特出睿旨以行旌表之盛典也然世蓋有之矣而陸氏有非他門之所可及者五馬我國朝之所許以賜旌

表者持曰義居三世或四五世而止是以過此以往為難矣而時人之能應所許受所賜者多不過六世焉其在雍熙淳熙時則有若三世者兩家在太平興國時則有若四世六世者兩家在元祐政和時則有若四世五世者兩家在全道乾道時則有若六世者兩家今陸氏自德遠以來以迄于今乃十世二百年如一日隨門三千餘指如一人共居共爨始終純懿此非他門之所可及者一自家道既興家政既成孝友之行乎於中外輯睦之風播於遐邇自一世以至十世若陸氏者固已度越他人之門閭幾等矣然門閭之高不惟其世惟其人此古今之所尤難者惟陸氏五世而有文達九齡文安九淵二大儒以人品之高道術之明特起東南上續道統實以師表四海非僅以師表一家大學知至誠意正心修身齊家治國平天下之全體大用其在是矣陸氏之所以名家者由二先生之名世也此非他門之所可及者二采冠婚喪祭禮儀而推行之至文達又能輝先志而脩明之故其家法著于鄉社而聞於天下文達文安有兄四人九思九叙九臯九韶皆奇傑非常流能共起家者九韶稱梭山先生尤能加詳密於治家之制其大綱則有正本制用上下凡四條其小紀則有家規凡十八條本末具舉大小無遺雖下至鼓馨聚會之聲莫不各有品節且為

永樂大典卷三百二十八

二十九

歌以寓警戒之機焉。至此則已。若三代威儀盡在於此。如先儒之所嘆者。此非他門之所可及者。三家之難齊。其未已久。先儒謂家難而天下易。故勝次家人。以難合而易睽也。一世猶難也。况累世乎。名曰義居安。待人皆知義。不過強合耳。如張公藝九世之出於忍是也。先朝之所賜多百姓之家。非以私其家。意以風天下。不必別其為民為士也。然聞其同屋而處。果有知居天下之廣居而非逸居者乎。聞其同堂而食矣。果有知養大人之大體而非小體者乎。若陸氏則世世師聖賢。人人知義理。所謂居廣居養大體者。乃其素所講習者。視彼徒聚族。眾以養口體。而如張公藝之堅忍。以持久之者。天壤異處矣。此非他門之所可及者。四唐崔元暉不異居者三世耳。家人怡怡。群從會食。無他。豐當時以為美談。蓋以其身清家貧。為之良不易。若彼膏腴。旌表之家者。往往庫有餘財。廩有餘粟。而足以為之富。不難。今陸氏以清白傳家。常產素薄。而子孫日以繁衍。已至三百餘人。產業曾無加益。是故常有不給之憂。所恃者守校山清心儉。素經營足食之訓。且隨資產之多寡。制用度之豐儉。爾是故能處貧若富。而實貧。當富若裕。而實儉。其又孰有難於此者。此非他門之所可及者。吾以是五者論之。是皆前代先朝之時。士民間之所未聞者。可不謂之絕無僅有。而光前

絕後者哉。宜太常有特旨之請。以其不可以循常典也。大安嘗嘗受知孝宗。今皇上克知其家。亦必有素旌表之命。恩意厚矣。又豈容徒以常典論哉。厥今為家長而主家者。冲也。冲毅然勁正。確然能持其家者。其以次第姪輩。又類皆負才氣。道問學。穎脫以出。能為公堂用志之。不分為族眾。服勞而不倦。恩相愛而文相接。柄相扶而蔚相輝。保合大和。一門益如也。自父祖老成。淪謝之後。而能繼志述事。以扶植十世。三百口。二百幸之門戶。不惟不至衰替。又若加興盛焉者。尤可以為難得矣。然以前人始為之。實難當其欲求純懿。雖百年成之。而猶慮其未足。若後人終承之。尤難。苟其少有遺缺。一日壞之而已。慮其有餘。又誠不可忘戒懼也。今承聖恩。褒勅之後。肇建門閭。鼎新如式。近者見而榮之。遠者聞而慕之。非僅一時之光耀也。宜如何其加之意哉。自子而孫。孫而又子。有之似之。常無間然。則本大末盛。源深流長。雖自十世以至百世。自三百人以至三千人。自二百年以至二千年。可也。祖宗之澤。聖上之恩。固有終窮。惟在永保。此意而不替。長守此法。而無弊。上以報君。中以榮家。外以帥人。當有聞陸氏之風。興起者。運動鼓舞。浸久浸廣。則人倫民德之彌厚。教化習俗之益美。雖古人比屋可封之風。可期而致也。然則今日之旌表。所以風天下者。豈曰小補。而

要其終。豈曰淺功近效云乎哉。

范氏義門

國朝張志道翠屏集儀真范氏義門詩 澆風久矣變淳源范氏猶稱古

義門四世于今千指盛十年似爾幾家存
華燁燁宜兄 弟竹笋攢攢長子孫故里相從何日遂
秋風江上戰塵昏

謝氏義

門 國朝朱伯賢白雲集謝氏義門記 距黃岩西四十里曰小澧山谷 盤石水木清麗謝氏世居焉自四友先生以行義著于里族延師教

子縉紳名人多賢之生五子皆有文行恂恂怡怡人無間言經歷君王成 先生次子也事其兄王華恭愛惟謹諸弟相承順如妯娌諧協無二心至正 庚寅以來海邦弗靜屢更愛患而謝氏兄弟嚮持友助尤甚平時一日相 與謀曰人言難得者兄弟吾寧合贊同居以敦友悌之義無乃不可乎於 是兄弟翕然樂從毫毛不留于私悉歸諸公歲歲時出內有常數衣食祭 祀有常式且望聚長幼謁祠堂男女異序拜坐有禮歲飭有規曰執治共 事子弟共業僮奴共役整整中矩範不少繆蓋鄉黨信之大夫士頌之有 司將上其事以旌異之王成廼曰性莫貴乎人吾戴天履地行所宜為非 敢以聞於人顧吾子若孫得因長老之言有啓于中永守弗墜是吾願也 予作而言曰大道之世比屋可封人人有士君子之行尚矣節義之得旌

永樂大典卷三十五百六

三十一

哉自夫仁義禮讓之風弛而未厥宅里之典行彝倫日斁孝友罕聞斗粟 尺布之謠聞墻投戈之怨豈思言哉今謝君兄弟當波頽風靡之餘一振 起之毅然為人所難固為賢矣然猶以垂裕淑後為事何其用心之仁若 是昔漢石奮以孝謹聞傳叙其子孫遵教弗失位至丞相若二千石者十 三人唐張公藝兄弟同居至於九世天子親幸其第以寵異之夫君子創 業垂統為可繼也尚何慮于孫之弗承也耶予聞仁者必有後當於君家 驗之矣予亦同郡始見聞風作興 孝門 魏書閻元明傳元明為北隨 子則與有光焉因不辭而記之 郡守以遠離親養與言悲慕 母亦慈念泣淚喪明元明悲號上訴許歸奉養一見其母母目便開刺史 呂壽恩列狀上聞詔下州郡表為孝門復其租調兵役令終母卒南史郭

世通年十四喪父養繼母盡孝仁孝之風行於鄉黨元嘉四年初榜表其 門閭 張楚益州梓潼人母疾命在屬纊楚祈禱苦至燒指自誓精誠感 悟疾時得愈見榜門曰孝行張氏之閭 公孫僧遠會稽剡人也居父喪 至孝年饑減食以養母家貧自賣以嫁兄婦齊高帝即位詔表其門 韓 休伯襄陽人也事父母謹孝齊建元三年表其門閭 孫淡太原人事母 至孝齊建元三年表其門閭 華寶晉陵無錫人也父初戌長安謂寶曰

永樂大典

卷三五二八

須我運當為汝上頭長安陷寶年七十不婚冠人問之輒號慟彌日不
思答同郡薛天生母遭難嘗食菜母死天生終身不食魚肉又同郡劉傑
胤與弟懷則年十歲遭父喪不衣絮帛不食鹽菜齊建元三年並表其門
王文殊字令章吳興故彰人也父沒魏文殊思慕泣血終身蔬食不衣
帛後太守孔琇之表其行麟林詔表其門北史王績生榮陽京縣人遭繼
母憂居喪伏而後起及終禮制鬢髮盡落有司奏聞宣武詔標旌門閭
李顯達潁川陽翟人居父喪水漿不入口七日廬墓六年哭不絕聲殆於
滅性州牧高陽王雍以狀奏靈太后詔表其門張元字孝始河北芮城
人謙謹有孝行其祖卧病再周元恒隨祖所食多少衣冠不解祖沒號踊
絕而後蘇水漿不入口三日縣博士楊執等二百餘人上其狀有詔表其
門楊慶字伯悅河間人居母憂衰毀骨立負土成墳齊文宣表其門閭
劉雋彭城人性至孝丁母喪勺飲不入口七日廬於墓側負土成墳列
植松柏虎狼馴擾為之所食隋文帝受禪表其門閭唐書韓愈鄆人對曰
鄆有以孝旌門者乃本其自於鄆人曰彼自剔股以養母疾瘳大夫以聞
其令尹尹以聞其上上俾聚土以旌門使勿輸賦以為後勸鄆大夫曰他
邑有是人乎愈曰母病則於烹粉藥石以為是未聞毀傷肢體以為養在

永樂大典卷三五二八

三十一

孝未聞有如此者苟不傷於義則聖賢當先眾而為之也是不幸因而致
死則毀傷滅絕之罪有歸焉其為不孝得無甚乎苟有合孝之道又不當
旌門墓主人之所宜為焉異乎既以一家為孝是辯一邑里皆無孝也以
一人為孝是辯其祖父皆無孝也然或陷於危難能固其忠孝為不苟主
於危亂以是而死者乃旌表其門閭爵祿其子孫斯為勤已矧非是而帶免
輸者乎曾不以毀傷為罪滅絕為辱不腰於市而已贖於政况復旌其門
宋史孝義傳陳思道江陰人喪父事母兄以孝悌聞母病思道衣不解帶
者數月雙目瘡爛飲食隨母多少泊母喪水漿不入口七日既葬哀鬱醢
之利得錢十萬奉其兄結廬墓側日夜悲慟其妻時勢兒女詣之拒不與
見夏日種瓜以待過客晝則白兔馴狎夜則虎豹環廬而卧咸平元年知
軍上其事詔賜束帛旌其門元史文宗時汴梁尹革以孝行稱詔旌其門
唐柳宗元集壽州安豐縣孝門銘并序壽州刺史唐承忠言九月丁亥安
豐縣令臣某上所部編戶毗李興父被惡疾歲月就亟就一本作疾興自
月肢肉假託饋獻其父老病已不能啖啜疾都滋切吸味悅切與獸同經
宿而死興號呼撫臆口鼻垂血捧土就墳沾積涕洟首喪墳左作小廬蒙
以苫茨苦詩無切伏匿其中扶服頓踊扶服即旬旬晝夜哭訴孝誠幽過

神為見異。廬上產紫芝白芝二本各長一寸。廬中醴泉湧出奇形異狀。應驗圖記。此皆陛下孝理神化陰中其心。士女聲而克致斯事。謹案與。上庶賤陋。循習淺下。性非文字所導。生與耨耒為業。一作任。而能鍾彼醇孝。超出古列。天意神道。猶錫瑞物。以表殊異。伏惟陛下有唐堯如天如神之德。宜加旌褒。合于上下。請表其里閭。刻石明白。宣延風美。觀示後祀。永永無極。臣昧死。上請。制曰。可。其銘云。一本無此三字。懿歎孝思。茲惟淑靈。粟承粹和。篤守天經。孔子云。夫孝天之經也。泣侍羸疾。默禱隱冥。引月自嚮。殘肌敗形。羞膳奉進。憂勞孝誠。惟時高高。曾不是聽。創巨痛仍。創即唐字。禮記。三年。問為。創年者。其日久痛甚者。其愈遲。號于穹昊。捧土濡涕。頓首成墳。陷膚腐肌。寒暑在廬。草木粹死。鳥獸踟蹰。殊類異族。亦相其哀。肇有二位。天地也。孝道爰興。克脩厥猷。載籍是登。在位有虞。以孝烝烝。仲尼述經。以教于曾。惟昔魯侯。見命夷宮。周夷王廟也。國語。周宣王。欲得國于之能。導訓諸侯者。穆仲曰。昔侯孝王。乃命於先宮中。亦有考叔。寤莊稱醇。左傳。隱公二年。鄭莊公。寤姜氏于城。類類考叔有獻於公。云云。公從之。遂為母。子如初。君子曰。類考叔。純孝也。愛其母。施及莊公。顯顯李氏。寔與之倫。哀嗟道路。涕慕里鄰。邦伯章奏。稽首慙慙。上動帝心。傍達明神。神賜秘祉。三

永樂大典卷三千五百二十八

三十一

秀靈泉楚詞云。米三秀於山間。三秀芝草也。靈泉即醴泉。帝命存加。亦表其門。統合上下。交贊天人。建此碑號。億齡揚芬。元滿道原。順番叢葉。題孝于旌門卷。孝忱初不願人知。實在名隨理固宜。莫道門旌今已了。始終大節真無虧。又題周伯淳孝友門卷。煌煌旌節耀清時。貞母能生孝友兒。道與君陳張仲合。誰能有筆繼書詩。陳孝門。温州府志。陳侃。字君和。永嘉人。事親世同居。家無異爨。郡守上其事。旌表其門。今稱其家曰陳孝門。

永樂大典卷之三千五百二十八

重錄總校官侍郎 高 洪

學士 臣 羅子進

六校官編修 臣 呂 文

書寫信士 臣 趙應宿

圖照監主 臣 徐克秋

臣 歐陽所

永樂大典

卷三五四九